

BAHEBERE, TEMA YA BOŠUPA ²

¶ Šegofala! Ke a nagana, pele, re ne lesea le lennyane fa, Doc o mpoditše feela metsotso e sego mekae ya go feta, ngwanešu wa ka, ngwanešu ka nama, yo a bego a nyaka... a bego a le bakeng sa kgafelo. Gomme bjale ge bomme bale ba ne digokgolana tša bona tše nnyane tše ba nyakago go di gafela Morena, re tla thakgalela go ba le bona ba etla gonabjale, ba tliše ba bannyane ba bona godimo.

²³⁹ Bjale, gomme batho ba bantši, ba, ye ba e bitšago, ba a a kolobetša. Kereke ya Methodist e a dira, gomme ke a dumela Nazarene. Ga ke na nnete. Aowa. Ke nagana ke se ba aroganego ka sona, e bile kolobetšo ya bana, Nazarene le Free Methodist. Eupša, golebjalo, ba bangwe ba bona, ba dira selo se tee le se sengwe. Eupša, gomme ba bangwe ba bona ba tšhela meetse a mannyane godimo ga bona. Ba bangwe ba a ba fafatša. Gomme, eupša ka mehla re leka go dula feela kgauswi le Beibele ka mo re tsebago bjang. Bjale, ga go Lengwalo ka Beibeleng bakeng sa lesea go fafatšwa, ga ešita ga go Lengwalo ka Beibeleng bakeng sa e ka ba motho mang go fafatšwa. Ga se selo sa Lengwalo. Ke tshepedišo ya kereke ya Katoliki.

²⁴⁰ Eupša ba—eupša ba dira, ba tlišitše... Ba tlišitše masea a mannyane go Jesu. Gomme—gomme re ba go Mo emela. Re nyaka go dira selo sa go swana se A se dirilego. O beile diatla tša Gagwe godimo ga bona gomme—gomme a ba šegofatša, gomme o rile, “Lesang bana ba bannyane ba tle go Nna, gomme le se ke la ba thibela, gobane Mmušo wa Legodimo ke wa ba babjalo.” Gomme ke seo re tšwelagopele go se dira fa ka tabarenekeleng, ge re leka go tšwelapele ka ya kgonthe ya Beibele, tsela ye e gafetšwego, bokaone kudu bjo re tsebago bjang.

²⁴¹ Kafao bjale, ge mme yola, goba bomme e ka ba bafe ba ne masea a bona a mannyane go gafelwa, ge Kgaetšedi Gertie a sa raloka *Ba Tlišeng Ka Gare*, gonganeng, le ba tlišeng godimo aletareng. Ngwanešu le nna re tla tla fase gomme ra gafela bana ba bannyane go Morena. Go lokile.

Ngwanešu Neville. [Ngwanešu Branham le Ngwanešu Neville ba gafela masea. Lefelo la go se be le selo godimo ga theipi—Mor.]

²⁴² Ke a go leboga, Kgaetšedi Gertie. Ke ye kaone kudu. Ke ba bakae ba ratago bana ba bannyane? Ge o sa dire, go ne se sengwe sa phošo ka wena, go ne se sengwe sa phošo.

²⁴³ Bjale, bošegong bjo, bjale go ya ka go tirelo ka moka. Re... lebaka le ke ilego fase gape bošegong bjo. Ka mehla ka matšatši a ge re ne ditirelo tša phodišo, ke hwetša feela e ka ba letšatši le tee,

gobane e mpha go šikinyega go gobjalo. Ga le tsoge la tseba ka yona. Gomme mo gae go befile gabedi go feta e ka ba kae gape.

²⁴⁴ Gomme ke be ke kgopela tshwarelo ge ke dirile phošo yela bjalo ka ge ke e dirile mosong wo. Eupša selo sa pele se nnyamišitšego, e bile ge Billy a etla go mpotša gore ga se a kgona go hwetša batho ba go lekanelo go fa ntle dikarata tša thapelo go bona. O kgonne feela go fa ntle e ka ba lesomepedi goba lesomenne. Gomme o bile le . . . Ga go yo a nyakilego dikarata tša thapelo. Ke a thanka se sengwe le se sengwe se be se le gabotse. Kafao gona, ka seo, ga se ka tsoge ka nagana . . . Gomme morago ge ke thomile go bitša dikarata tšeо tša thapelo, ke naganne ke be ke tla hwetša lesome goba lesomepedi lohle, goba e ka ba eng e bilego fa. Ke ba biditše. Ke fihlile go nomoro ye e itšego, se sengwe, gomme ga se ya bitša. Gomme ke biditše. Ga se ya araba. Gomme ga se ka tsoge ka nagana ka yona go fihla Mdi. Wood a nteleditše. O rile, “Ngwanešu Branham, Billy o tšea tšona dikarata gomme a di hlakahlakanya mmogo, gomme a no di fa ntle. A ka no be a bile le nomoro yela tharo,” (a e be e se?) “nomoro tharo ka potleng ya gagwe.”

²⁴⁵ Nnete, ka mehla o fa ntle masometlhano ka moka. Ge a di tliša pele ga batho, o no di hlakahlakanya. Kafao yo mongwe le yo mongwe . . . Ga se go re, “Mphe nomoro tee.” Goba, re ka no se thome go nomoro tee. Re ka no thoma ka masometlhano, ga o tsebe, le go tla morago. Re ka no thoma ka seswai le go ya godimo. Re ka no thoma ka masomepedi le go ya godimo. Ga re tsebe. Eupša o no di hlakahlakanya gomme o di fa batho ge ba di nyaka. Gomme nna, ke sa nagane mosong wo, nka no be ke biditše nne goba tlhano go fetiša, gomme di be di ka se be ka fao, gobane e ka no be e bile godimo ka go bomasomepedi goba bomasometharo felotsoko, le a bona. Gomme, nako yeo, eupša Morena o e šomile, eupša e no se be le kga—kga kgatelelo ya kgonthe go yona, boka e dira kgole go tloga gae. Nka no se tsoge ka e leka—leka gape.

²⁴⁶ Eupša, fa e sego kgale go fetile, ke kgopetše Morena ge eba A ka re fa kopano ye kaone, yeo ke tshepišitšego gore nka—nka se Mo kgopele yeo gape, gobane e bile selo se bothata bjalo. Gomme se kgahlanong le Lengwalo. Le a bona? Gomme ge o . . . Seo ke se se e dirago e be ye thata go nna. Ka baka la gore, go tsebeng seo, e mpha phe—phe phenyo, le go thoma. Le a bona? Ke fentšwe, le go thoma.

²⁴⁷ Golebjalo, yo mongwe o leleditše mongwe morago ga sekgalela se. Mdi. Wood o leleditšwe ke yo mongwe. Gomme o boletše, gore, “Yo mongwe ka kerekeng o leleditšwe mosong wo, ka monna yo a bego kudu, a babja kudu, yo a tlilego go Kriste morago ga sekgalela se, morago ga fao.” Gore mo—mo monna yo a bego a babja kudu o tlie go Kriste.

²⁴⁸ Gomme selo se sengwe, Mdi. Wood o mpoditše gore ke boletše le samme wa gagwe, samme mogolwane, yo ka kgonthe

ke bego ke le ka legaeng la gagwe letšatši le lengwe le go ja matena le yena, goba dilalelo le yena, tlase ka Kentucky. Gomme Ramaatlakamoka Modimo o a tseba gore ga se nke ka lemoga mosadi yoo. Le a bona? Yeo ke nnete. Feela... Dipono di ikeme. Re no se tsoge ra tseba ka fao di yago go ya goba se se yago go direga. Go tšwa go Modimo, le seo—seo se diregago. Eupša ke tsebile, go ba leteng, go leteng kua.

²⁴⁹ Gomme letšatši le lengwe ge mosetsana yo monnyane yo a be a le ka mo, yo a bego a swanetše go be a bile le tlhatho, yeo nna, e sego... Le a bona, ge Modimo a be a ka fa yeo go lefase lohle, go be go tla ba kaone; eupša ge go be go le, go be go fapania le se A mpoditšego go kgabaganya mokgotha fa, le a bona, mengwaga e sego mekae ya go feta. Gomme re be re nyaka go ba le nnete yeo e be e nepile, le go dira kereke, go beng e be e le fa, e e bone. Gomme kafao ke leleditše Mdi. Snyder yola. Kgaetšedi Snyder. O fa felotsoko. O no ba bothata gannyane nthathana go kwa. Gomme mohumagadi yo monnyane o e boleletše fase, gomme o rile, “Ona le ramatiki,” goba atheraetisi, se sengwe boka seo.

²⁵⁰ Bjale, ke tsebile e be e le letheka la go robega. Gomme kafao, gomme ka gona Moya wo Mokgethwa o tlišitše seo ka gare mosong wo. Le a bona?

²⁵¹ Bjale, ke eng, ke mpho Kgethwa, gomme e šoma ka go boikemo bja yona. Eupša se se e dirago ye thata bjalo ka toropongkgolo, ka nnete, ke—ke a tanngwa, nako yohle, ka go rapeleleng balwetši fa. Goba—goba... Ke tla ya, ke botše batho se. Ke tla ya, ka re, “Bjale Morena o le fodišitše. Jesu o le fodišitše ge A le hwetše, mengwaga ye makgolo a lesomesenyane ya go feta. Thwi kua le fodišitšwe. Bjale, ge go etla go Modimo, ge go etla go Kriste, le fodišitšwe, mengwaga ye makgolo a lesomesenyane ya go feta. Bolwetši bja lena bo ile. Go tšea tumelo ya lena go e dira.”

²⁵² Gomme ka gona motho yoo a ka kgona go ya tikologong gomme a fola. Morago motho yoo o tla go dikologa, a re, “Ngwanešu Branham o mpoditše ke be ke fodile.” Le a bona? Ke go botša se Modimo a se boletšego.

²⁵³ Bjale, ge se boletšwe thwi go motho, thwi, “Ke O RIALO MORENA,” ka selo se se itšego se se yago go direga. Seo se tla netefatša go wena thwi fao gore phodišo ya gago e šetše e bolokilwe. Tumelo ya gago e e tswaletše. Le a bona? Tshepišo ke ya gago. Ga se lentšu la ka. Ke Lentšu la Modimo, gore o šetše o fodile. Le a bona? Eupša o no... Ka mokgwa wo mongwe mongwe, ke—ke no se kgone go e dira e nwelele, go magagešo fa ka Jeffersonville. Ke—ke no se kgone go e dira e direge. Ke a tseba. Ke tla leka go hlaloša yeo feelsa ka mo ke kgonago, gomme e no—e no se direge. Yeo ke phetho. Ke re...

²⁵⁴ Fa, e sego kgale go fetile, ke ile legaeng, go monna, gomme monna ke ge a ehwa. Gomme ba nteleditše, “Etla, mo rapelele. Ngaka o rile a ka se phele go fihla mosong.”

²⁵⁵ Ke ile ka gare. Gomme lesogana le rile go nna, “Mna. Branham, ga ke nyake go hwa.” Gobaneng, ka nnene moisa yo moswa ga se nke. O bile le lapa la bana ba babedi kua.

²⁵⁶ Gabotse, ke ile fase. Ke rile, “Bjale, lebelela, ngaka ya gago ke mang?” O mpoditše. Ke rile, “Ngaka a ka no be a rile o be o, o be o eya go hwa, eupša Modimo ga se a be a re o be o eya go hwa.” Ke rile, “Bjale, go ya ka Beibele, o šetše o fodile, gobane Jesu o hwile bakeng sa phodišo ya gago.”

²⁵⁷ O rile, “A o a dumela ke tla fola?”

²⁵⁸ Ke rile, “Ke e dumela ka go felela.”

²⁵⁹ Gabotse, ge ke be ke ile go rapelela monna, gomme ka se ke ka šomiša mohuta woo wa tumelo, godumela bakeng sa gagwe; ge ke eya, “Oo, aowa, aowa, ge ngaka a rile o ya go hwa, o be o eya go hwa. Seo se a e rum a bjale.” Bjale, a e be e ka se be gore motho yo mongwe o tla go rapelela balwetši? Ke be nka se nyake motho yoo ka ntlong ya ka, go nthapelela. Ke nyaka yo mongwe yoo, ebile le ge a se a e bona, goba aowa, o tla tšea tumelo gomme a ema go tshepišo bakeng sa ka. Yeo ke nnete. Gomme ke rile . . . yena . . .

²⁶⁰ Re ile gomme re bile le thapelo. Ke rile, “Bjale e ba le tutuetšo ye botse.”

²⁶¹ O rile, “O ra gore ke tla fola?”

²⁶² Ke rile, “Gobaneng, nnete. Lentšu la Modimo le rile o tla fola. Le a bona, ‘Ge o ka kgona go dumela, dilo tšohle di a kgonega.’”

²⁶³ O rile, “Go lokile, ke tla Le dumela.” Gomme o ile ka ntle gomme o boletše go mosadimogatša wa gagwe gore . . .

²⁶⁴ “Monna o a hwa, a ga a?”

²⁶⁵ “Ee, o a.” Gomme kafao letšatši la go latela, monna a hwa, goba matšatši a mmalwa ka morago ga fao.

²⁶⁶ Morago mosadi yo o ya ntle gomme o thoma go nwa le go ya pele. Gomme yo mongwe wa matikone, ke a dumela e bile, wa kereke ye, o ile go mosadi go mo kgopela ge eba o be a ka bowa gomme a tla morago kerekeng. O rile, “Ke be nka se dumele e ka ba mang. Moreri Branham o tlide ka mo gomme o rapeletše monnamogatša wa ka, o rile o be a eya go phela, gomme o hwile matšatši a mabedi goba a mararo moragonyana. Kafao, ke be nka se dumele.” Bjale o a hwa. Go lokile.

²⁶⁷ Eupša, golebjalo, le a bona, go no ya go laetša gore batho ga ba fe šedi go se o se bolelagoo. Le a bona? Nnete. Ge ke rapeletše motho, gomme ke—ke botša bona batho ba ya go phela. Ke a dumela ba ya go phela. Eupša, ga go kgathale, ge lentšu la ka le bile ka felela O RIALO MORENA, gomme wa se Le dumele,

o tla hwa, golebjalo. Kgonthe. Še O RIALO MORENA, gomme ba bantši ba bona ba a Le amogela gomme ba hwa. Ba bantši ba bona ba ya heleng, ge, O RIALO MORENA, “Ga wa swanela go.” A yeo ke nnete? [Phuthego e re, “Amene.”—Mor.] Nnete. Le a bona? Ke eng . . . Yohle e theilwe godimo ga tumelo ya gago.

²⁶⁸ Ngwanešu Collins, ga ke nagane o ka gare bošegong bjo. Eupša go mo theetšeng mosong wo, o file polelo ya bogale kudu ka seo. Le a bona? Le a bona? O dirile. O rile, “Bjale, tumelo ya go swana o nago le yona godimo fa, o ya go swanela go ba ntłe kua. Gobane, ke tumelo ya gago ya motho ka motho, e sego ka go kerekelleina ya gago, eupša ka go Kriste. O swanetše go ba le tumelo.” Yeo e no ba nnete tlwa. Ka phethagalo.

²⁶⁹ Gomme phodišo Kgethwa e theilwe godimo ga tumelo ya gago. Eupša go ya ka Lentšu la Modimo, O RIALO MORENA, gore motho yo mongwe le yo mongwe o fodišitšwe ge Jesu a hwile Khalibari, “O gobaditšwe bakeng sa dikarogo tša rena, ka megogoma ya Gagwe re *ile* ra fodišwa.” A ke nnete? Re *ile*. Beibele e rile, “Le ile la fodišwa.” Kafao le se ke la nkhwetša phošo, ke no ba moreri wa Lentšu. Eyang le botše Modimo gore O boletše se sengwe sa phošo, gomme Modimo o tla le botša moo bofokodi bja lena bo lego nako ye. Le a bona? Kafao, ke tumelo ya gago. Jesu o rile, “Ge o ka kgona go dumela. Ge o ka kgona go dumela.”

²⁷⁰ Bjale, ge o ekwa Moya wo Mokgethwa o tiišeditše tumelo ya gago le go e kgwahliša fase, gomme o rile, “O RIALO MORENA, ‘Gosasa ka nako ye e *itšego*, o tla ba le selo se se *itšego*. Selo se se *itšego* se tla direga. Se tla ba godimo fa tsela ye e *itšego*, gomme o tla kopana le selo se se *itšego* fa. Leo e tla ba leswao go wena.’” Bjale, o šetša seo. Wo ke mošomo wo o fedilego, thwi fa bjale.

²⁷¹ Eupša ge e etla go go boleleng phodišo Kgethwa, ke swanetše go bea phodišo Kgethwa godimo ga motheo wa go swana, wa mohuta woo, bjalo ka phološo. Yo mongwe le yo mongwe wa lena, ga go kgathale o dirile eng, o phološitšwe ge e sa le Jesu a hwile, gobane O hwile go tloša dibe tša lefase. Eupša e ka se tsoge ya go dira botse e ka ba bofe go fihla wena ka sebele o e amogela le go itemogela yona. Eupša ge go etla go dibe tša gago, di šetše di lebaletšwe. Yeo ke nnete. O . . . “Bona Kwana ya Modimo ye e tlošago dibe tša lefase.” Le a bona? Ke lena bao. Bjale elelwang seo.

²⁷² Bjale, ke a tseba gore ka go ruteng, ka Mangwalong, re phuthego ya go hlakana. Gomme makga a mantši, ka go Puku ye ya Bahebere, ye e lego gabotse Puku ya go teba . . . Ke ya go swanela go e tlogela lebakana bjale. Ke ya go leka bošegong bjo go fetša karolo ya mafelelo ya tema ya 7.

²⁷³ Gomme bjale go ne dipotšišo tše ntši ka monaganong wa lena, ntłe le pelaelo. Ba bantši ba lena ba ne dipotšišo, gomme

ke natšo, le nna. Bjale, nako ya go latela, Morena a rata, ge ke etla ka gare . . .

²⁷⁴ Ke ya Michigan bjale. Gomme morago, go tloga Michigan, ke ya Colorado. Gomme go tloga Colorado, go ya Lebopong la Bodikela. Bjale—bjale, ge re etla ka gare, Morena a rata . . . Bjale, ga ke tsebe. Ge ke sa be ka Chicago, Lamorena, nka no ba morago fa bakeng sa Lamorena le le tlago bošego.

²⁷⁵ Bjale re swere modiša wa rena ka ntle ga phuluphithi fa lebaka la e ka ba dibeke tše tshela, gohole go kgabola tše—tše—tše, Puku ye fa. Le a bona? Bjale re . . . Ga ke rate go dira seo. Ngwanešu Neville ke wa go ratega, yo bose, ngwanešu yo botho. Gomme ke ne nnete gore kereke ye e rata Ngwanešu Neville.

²⁷⁶ Etse, ge ke sa bolela; yo mongwe, ka gare go dikologa naga ye felotsoko, o molato wa go ngwala dikarata tsoko, go ntšha Ngwanešu Neville go tšwa phuluphithing ye. O ya go swanela go ruma seo le nna. Uh-huh. Yeo ke therešo. Uh-huh. Ee, ka nnete. Bjale, ke le nyaka . . . Rile mati— . . . se sengwe ka pote ya matikone. Pote ya matikone ga e ne selo go dira ka modiša yola. Aowa, mohlomphegi. Phuthégo, ka bottlalo, e na le maatlataolo ohle. Ga se . . . Pote ya matikone e no ba maphodisa fa ka go kereke ye, go no boloka tshepedišo le go ya pele. Eupša ge go etla go melawana, kereke ka moka e na le go bolela bjalo. Kereke ye e agilwe godimo ga boikemo bja kereke ya selegae. Kagona, ga ke ne selo go bolela ka go tlošeng modiša yo, goba go bea yo mongwe ka gare. Ke nna mong wa phahlo; e filwe go kereke. Lena bohole le kereke. Lena batho ke lena le laolago. Ke wena kereke, wenamong. Gomme Kereke, Kereke ye kgethwa ya Modimo ke boikemo, bja Moya wo Mokgethwa ka Kerekeng yeo. Gomme selo se nnoši ke se dirago ke go ba mong wa phahlo, go e fa godimo go kereke ye, bjalo ka go efa godimo bakeng sa kereke, gomme ga e lefe motšhelo. Gomme kereke e kgetha badiša ba yona beng. Ga ke ne selo go dira le yona. Gomme tsela e nnoši modiša yo a ka kgonago go tsoge a tloga, e tla ba modiša a tše sephetho yenamong go tloga, goba bontši bja dibouto tša kereke di tla swanela go re, “Fetola modiša.” Yeo ke tsela e nnoši. Ga go pote ya matikone e ka kgonago go e dira. Pote ya matikone e boloka feelsa tshepedišo le dilo ka kerekeng.

²⁷⁷ Bahlokamelaphahlo, ga ba ne selo go dira le yona, ba no lokiša kereke. Gomme ba ka se kgone go e dira go fihla . . . Pote ka moka ya bahlokamelaphahlo e kopana le go re, “Re tla aga se, goba re tla dira sela.” Gona ba swanetše go botšiša ramatlotlo ge eba ba ne tšhelete go se dira. Ee, mohlomphegi.

²⁷⁸ Eupša ge go ne pelaelo e ka ba efe kgahlanong le moleloko e ka ba mang, ge leloko le ne pelaelo kgahlanong le seng sa bona, goba se sengwe sa phošo, o swanetše go ya go ngwanešu yoo, wenamong; gomme o bolele le yena, wena le yena le nnoši. Gomme ge ba sa e amogele, gona selo sa go latela se diregago, o

tsea yo mongwe wa matikone goba yo mongwe, gomme o ya le yena go yoo ngwanešu. Ka gona ge a sa go amogele, gona le a tla le e botša kereke. Ka gona ge kereke . . . Ka gona ge a sa amogele kereke, gona Beibele e rile, “Anke ba be bjalo ka mohetene le moditšhaba.” Yeo ke nnete.

²⁷⁹ Gomme batho e ka ba bomang ba ba tsebago motho wa molato, gomme ga o ye go bona le go bolela, gona o karolo ya kereke ya Modimo e yago go arabela sebe seo. Yeo ke nnete.

²⁸⁰ Gomme ge batho e ka ba bomang gona ba ne pe—pe pelaelo kgahlanong le motikone, goba kgahlanong le motikone goba yo mongwe ka kerekeng, go tsea batho ba bararo. Batho ba bararo ba tla tla gomme ba re, hlatsela, molomo wa dihlatsi tše pedi goba tše tharo. Ba tla go botša modiša gore go ne pelaelo kgahlanong le motikone. Ka gona ge go ne pelaelo kgahlanong le motikone, motikone ga se mo—mo monna wa go loka, mo—mo monna wa go phethagala. O swanetše go swara ofisi ya motikone, a sa solege, gomme a hwetšwe a sa solege. Gomme ge phuthego yeo e hwetša gore motikone yoo ga a sware ofisi yeo, o tsea ba bararo le yena gomme o tsea modiša. Motikone yoo o kgopelwa go šala gae bošego. Gomme ka gona modiša go tšwa . . . o a tla gomme o tliša phuthego mmogo, o fa kgokgono. Gomme ge phuthego e boutela motikone go tšwelapele, motikone o tšwelapele. Ge phut— . . . e boutela motikone go tlošwa, ba kgetha motikone yo moswa bjona bošego bjo. Le a bona?

²⁸¹ Kagona, ga go motho yo motee a nago le selo go dira ka go se. Ke bontši bja batho. Ee, mohlomphegi. Ge dibouto tše masomepedi di ema le yena, gomme tše masomepedi tee dibouto di le kgahlanong le yena, o a tloga; goba, pele le morago. Le a bona? Ke gore, ke boikemo bja kereke ya selegae gomme, ka gona, mongwe le mongwe wa maloko o ba le polelo seo ka go kereke. E ka ba eng e yago, go fošagala, ka gona ba kgona go tla go dikologa, gomme selo se nnoši ba swanetšego go se dira ke go ba pele ga Modimo gore ka go felela ba bona gore ga go selo se šitišago go sepela ga kereke.

²⁸² Eupša maatlataolo a go tlala le go felela a kereke ke modiša. Balang seo ka Beibeleng, le bone ge eba ga se tshepedišo ya Beibele. Yeo ke nnete tlwa. Ga go yo mongwe ka godimo ga mogolo. Ga ke ne selo go dira le se Ngwanešu Neville a se dirago fa. Go tšwa go lena le Ngwanešu Neville. Ge Ngwanešu Neville a be a nyaka go rera thuto ya Hlatse tša Jehofa, go tšwa go yena le lena. Le a bona? Ge a be a nyaka go rera e ka ba eng a bego a nyaka, ke gare ga lena le yena. Yeo ke phetho. Ge phuthego e mmoutela ka kua, go rera seo, seo se lokile. Go tšwa go yena.

²⁸³ Selo se nnoši se ke se dirago, e no ba go ba mong wa phahlo. Gomme ge se sengwe sengwe se etla kgauswi, gore bjalo ka go tloša modiša, gomme ba nyaka go tsea bouto ka seo, le be le ka se kgone go kgopela motikone go dira seo. Le ka be le kgopetše

nna. Ke be ke tla tla fase, ka re, “Ge le nyaka go tloša modiša, mpotšeng ka baka la eng. A o dirile e ka ba eng?”

²⁸⁴ “Ee. Re mo swere, a tagilwe. Goba, re mo swere a dira se, goba a dira se sengwe se bego se se sa loka.”

²⁸⁵ “A le ne dihlatse tše tharo tša sona?”

²⁸⁶ “Ee. Re natšo.”

²⁸⁷ Tšona dihlatse di swanetše go lekwa pele. “Le se ke la amogela pharomolato kgahlanong le mogolo ntle le ge e le ka hlatse tše pedi goba tše tharo, gomme anke di netefatšwe pele; kgahlanong le mogolo.” Ka gona o swanetše go ena go yona, gore o e bone; gomme e netefatše, gore o e bone.

²⁸⁸ Gomme ka gona, ge o dirile, gona sebe seo se solwa phatlalatša, gore, “Ke phošo.” Morago ore, “Phuthego, a le nyaka go fetola modiša wa lena?”

²⁸⁹ Gomme ge phuthego e bouta, “Mo swarele, gomme mo lese a tšwelepele bjale,” yeo ke tsela ye e swanetšego go ema. Le a bona? Seo, a ga se gabotse? A yeo ga se tsela go sepediša kereke? Ke seo Beibele e se boletšego. Ga re ne dipišopo le baokamedi, le dipote le go ya pele, go tliša yo ka gare le go ba le bontši bja maatlataolo. Ga go motho a nago le maatlataolo fa eupša Moya wo Mokgethwa. Yeo ke nnete. O dira go šuthiša. Gomme re Mo tšea bjalo ka bontši bja batho, tsela ye batho ba yago.

²⁹⁰ Gomme ka gona ge lehlakore le tee le nyaka go dira se, gomme lehlakore le lengwe le nyaka go dira sela, gomme lehlakore la fenya. Lehlakore la go fenngwa, ba dira eng ka yona? Tšoenang ba ka moka ga bona, e reng, “Re be re fošitše, nako yela. Re tla ya thwi pele, gobane Moya wo Mokgethwa o dirile kgetho yeo.” Le a bona? Yeo ke nnete tlwa.

²⁹¹ Boka Mademocrat le Maripublican, ge feela re eme bjalo ka temokrasi, bjalo ka Maamerika. Ge Mademocrat a le ka gare, Marepublican ba swanetše go kgoromeletša pele le bona; Marepublican ka gare, Demorat e iša pele. Le a bona? E no ba seo tlwa se re dirago setšhaba. Neng kapa neng re robago seo, re roba temokrasi ya rena. Yeo ke nnete. Mademocrat ba re, “Ga ke ye go dira selo; Marepublican a be a le ka gare.” Gona re a wa. Ke nna Mokentuckian: mmogo re a ema, gomme go arogana re a wa.

²⁹² Bjale, ge go na le e ka ba eng ya phošo ka kerekeng yeo o kilego wa e tseba, motho ka motho tsoko goba motho tsoko goba e ka ba eng, o tlengwa ke mošomo gomme o tla araba pele ga Modimo ge o sa phumule selo seo; wena, kereke. Bjale, elelwa, ga e godimo ga magetla a ka. E godimo ga a lena. Gomme e ka ba eng ya phošo ka kerekeng, Modimo o tla le dira le e arabele. Yeo ke nnete. Ke ka tsela yeo A sepedišago kereke ya Gagwe. Yeo ke tsela ye e lego ka Beibeleng. Yeo ke tshepedišo ya Beibele.

Bjoo ke boikemo bja kereke ya selegae. Modiša ke hlogo. Yeo ke nnete. Amene.

²⁹³ Bjale, go tleng go wo wa go šegofala, Molaetša wa kgale fa. Lena, bjale ke le nyaka le tsebe seo. Wo o gatištšwe theiping, elelwang, Molaetša wo. Gomme dikgatišo tša theipi tša kereke, ditshepedišo le melawana ya kereke, e godimo ga theipi ya go gatišwa. Yeo ke go ya ka Beibele. Ga re e sepediše; ga go motho ka hlogong. Aowa. Bohle, bohle re a swana. Eupša, re ne moetapele, yoo ke modiša, ge feels a hlahlilwe ke Moya wo Mokgethwa. Therešo. Go lokile.

²⁹⁴ Bjale, ka fa, go ya go ba dipotšišo tše ntši kudu. Kafao nako ya go latela ba fago ntle, gomme Ngwanešu Neville a bea go seyalemoya gore ke ya go ba fa, o ngwale potšišo ya gago, gore wena le nna re kgone go e baka mmogo. A le tla? Go lokile.

²⁹⁵ Ke a tseba ke rutile ka go phegelela ga bakgethwa. Ke rutile ka Bomodimo bja godimodimo bja Jesu. Ke rutile ka tshireletšo ya modumedi, le peelopele, kgethelopele, le tše dintši tša dilo tše. Tše, ke a tseba, ka phuthegong ya ka go balatelamolao ba bantši, e lego sa go loka ka go phethagala. Ka go felela. Eupša, bjale, dilo, ke nna molatelamolao, le nna, gomme ke nna Mocalvinist. Ke no dumela Beibele. Yeo ke phetho.

²⁹⁶ Bjale, ge tše dingwe tša tše, dipotšišo. Gomme ke rutile ka mabohlatse, maikutlo, le go ya pele, le dilo tše tšohle o ka no go se dumelelane le tšona. Kafao bjo bongwe bja mašego a, mohlomongwe, anke re e dire . . .

A o itlhaganetše gagolo go tla morago godimo ka mo?
[Ngwanešu Neville o re, “Aowa.”—Mor.]

A re e direng Laboraro bošego, Laboraro le le tlago bošego, gona ke—ke a nagana nka—nka kgona go ba le yeo nako yeo. Tliša potšišo ya gago ka gare Laboraro bošego, e bee godimo fa godimo ga sefala, gomme potšišo ka Beibele, e lokile, ya se ke bego ke ruta ka sona bjale. Gomme Laboraro bošego. Gomme ka gona ka Lamorena la go latela, gona, ke a nagana ke—ke swanetše go ba ka Chicago, golebjalo. Gomme ke ya go tloga fao go ya ka Michigan. Morena a rata, ke tla ba fa Laboraro bošego, go leka go araba potšišo bokaone bjo ke kgonago. Gomme bjale Morena a be kgaogelo.

Bjale a re inamišeng hlogo ya rena, nakwana feels.

²⁹⁷ Bjale, Morena mošegofatšwa, ye ke ekonomi ye kgolo ya Gago. Ke kereke ya Gago. Ke Wena, Morena, yo a sepelago, gomme re nyaka go sepela ge Moya wa Modimo o re sepediša. Gomme re a rapela bjale gore O tla re šegofatša. Gomme ge re ithuta Molaetša wo, gomme re eya tlase ka go dilo tše tša go teba, re a rapela gore Moya wo Mokgethwa o tla di utolla go rena feels bjalo ka ge re ne tlhoko. Gobane re e kgopela Leineng la Gagwe. Amene.

²⁹⁸ Bjale, oo, nna . . . Puku ye ya Bahebere, ke e tlotla bjalo ka ye nngwe ya Dipuku tše kgolo.

²⁹⁹ Moragonyana gannyane go ya pele, go ka no ba gore ke—ke swanetše . . . go ya mošwamawatle, e lego seo, ge Modimo a dumelela, ke tla be ke dira gabotse ka pejana. Ke swanetše go ya Afrika go ya ka pono. Ke a nagana nka se tsoge ka atlega kudu go fihla ke eya Afrika le go phethagatša pono yela. Bjale, ka gona, e tla ba mohlomongwe nako ye nngwe seruthwane se se tlago.

³⁰⁰ Eupša gare ga nako yeo, ke rata go tšeа e tee gape puku go tšwa go Puku ya Bahebere, yeo ke, tema ya 11 ya Bahebere. Le go dula e ka ba beke ka go tema yeo ya 11, le go tšeа se sengwe le se sengwe sa dimelo goba baanegwa, le go tliša ntle semelo sa bona. Le a bona? “Ka tumelo, Noage,” ka gona ke tšeе bophelo bja Noage. “Ka tumelo, Abraham,” ka gona ke tšeе bophelo bja Abraham. “Ka tumelo, Abele,” ka gona ke tšeе bophelo bja Abele. Le a bona? Gomme ke tliše yeo fase. A le tla rata yeo? [Phuthego e re, “Amene.”—Mor.] Oo, yeo e tla ba, re tliša ka gare Beibele ka moka gona. Gomme ka gona re tla leka yeo, mohlomongwe, e ka ba ka go, e re, beke goba dikopano tša matšatši a lesome, kopano e tee feela thwi ka morago ga ye nngwe, ka boka tsošeletšo, nako ye nngwe go dikologa go kgabola maikhutšo a Krisemose, goba se sengwe boka seo, Morena a rata.

³⁰¹ Bjale, ka go tema ya 7 ya Puku ya Bahebere, re kopane le Seraloki se segolo se. Ke mang a ka mpotšago Leina la Gagwe e be e le mang? [Phuthego e re, “Melekitsedeke.”—Mor.] Melekitsedeke. Bjale, Melekitsedeke yo e be e le mang? O be a le moprista wa Modimo Yo Godimodimo. O be a le Kgoši ya Salema, e bego e le Kgoši ya Jerusalema. O be a se ne le ge e ka ba tate, goba O be a se ne mme e ka ba ofe. O be a se ne nako A kilego a tswalwa, goba A ka se tsoge a ba le nako ye A tla hwago. Bjale, re a hwetša gore yo o swanetše go ba Kagosafelego.

³⁰² Re a hwetša lentšu *neng le neng* le ra, “sekgala sa nako.” A le sa elelewa seo? [Phuthego e re, “Amene.”—Mor.] Sekgala sa nako, ke neng le neng le neng le neng. Gomme *neng le neng* e hlatsatšwe, makga a mantši ka Beibeleng bjalo ka “se—se sekgala sa nako.”

³⁰³ Eupša, Bokagosafelego, gomme go ne mohuta o tee feela wa Bophelo bjo Bosafelego, re hweditše. A ke nnete? Modimo o na le Bophelo bjo Bosafelego, a nnoši. A yeo ke nnete? Mohuta o motee o nnoši wa Bophelo bjo Bosafelego. Ga go lentšu le lebjalo bjalo ka “kotlo ya Gosafelego.” Gobane, ge eba o ya go otlwa bakeng sa Bokagosafelego, o ne Bophelo Bjo Bosafelego go otlwa Bokagosafelego. O swanetše go ba le Bosaf—. . . Gomme ge o ne Bophelo bjo Bosafelego, o ka se ke wa otlwa, le a bona, ge o ne bjo Bosafelego. “Yo a kwago Mantšu a Ka, gomme a dumela go Yena yo a Nthomilego, o na le Bophelo bjo bosafelego.” A yeo ke

nnete? Bophelo bjo Bosafelego, gobane o a dumela. Gabotse, ge o ne Bophelo bjo Bosafelego, o ka se kgone go otlwa, gobane o ne Bophelo bjo *Bosafelego*. Kafao, gona, ge eba o ya go tlaišega ka heleng neng le neng le neng, o swanetše go ba le Bophelo bjo Bosafelego.

³⁰⁴ Eupša, bjale, ke a dumela gore Beibele e ruta ka hele ya go tšhuma ya kgonthe. Beibele e ruta seo, gore dibe le bobe di tla otlwa, neng le neng le neng. Ga se Bokagosafelego, bjale. Seo ke mohlomongwe lebaka la bilione tše lesome tša mengwaga. E ka no ba lebaka la bilione tše lekgolo tša mengwaga, eupša dinako tše dingwe e swanetše go fela. Gobane, se sengwe le se sengwe se se bilego le mathomo, se ne bofelo. Ke dilo tše di se nago mathomo, ga se ne bofelo.

³⁰⁵ Le elelwa thutwana ya mafelelo bjale? [Phuthego e re, "Amene."—Mor.] Kafao re ilego morago gomme re hweditšego gore se sengwe le se sengwe se bilego le mathomo se ile sa fapošwa, le a bona, go arošwa go tloga go sonasona. Gomme, mafelelong, se tatologela morago godimo go Bokagosafelego. Gomme ka gona hele yohle, go tlaišega gohle, le mogopolo wohle wa tše bjalo, o tla be o nyamaletše ka go Bokagosafelego. Se sengwe le se sengwe se se thomago, se a fela.

³⁰⁶ Gomme Melekitsedeke yo e be e se Jesu, gobane O be a le Modimo. Gomme se se dirilego Jesu le Modimo go fapania, ke gore, Jesu o be a le Tabarenakele ye Modimo a bego a dula ka go yona. Le a bona? Bjale, Melekitsedeke. Jesu o bile le bobedi tate le mme. Gomme Monna yo ga se a ke a tsoge a ba le tate goba mme. Jesu o bile le mathomo a bophelo gomme Yena ga se a be le bofelo bja bophelo. Monna yo ga se a be le tate, ga a ne mme, ga a ne mathomo a matšatši goba bofelo bja bophelo. Eupša, E be e le Motho wa go swanamong. E be e le, Melekitsedeke le Jesu e be e le yo Motee; eupša Jesu e be e le mmele wa lefase, wa go tswalwa le go tlabelwa ka morago ga sebe. Mmele wa Modimo Mong, morwa wa Gagwe Mong, o tswetšwe le go tlabelwa ka morago ga sebe, go ntšhetša lebola la sebe ntle, go lefa tokollo, le go amogela barwa le barwedi ka go Yenamong. Le a e hwetša? Ke ka baka leo A bilego—A bilego le mathomo, O bile le bofelo.

³⁰⁷ Eupša mmele wo wa go phethagala, ka go gopoleng, bjalo—bjalo ka tiišetšo ya tsogo ya rena, Modimo ga se a ke a tlogela mmele wo mokgethwa wola go bona go bola, gobane O o hlotše Yenamong. Gomme o o tlišitše pele, gomme o o tsošitše, gomme o o beile ka seatleng sa Gagwe se setona.

³⁰⁸ Gomme, lehono, Moya wo Mokgethwa wo o tsošitšego mmele wola o fa ka Kerekeng. A go šegofatšwe Leina la Morena! Gomme go laetša pele mehlolo ya go swana le maatla. Gomme letšatši le lengwe Moya wo Mokgethwa, wo o lego ka Kerekeng, o tla goelela gomme o tla phagamišetša godimo, gomme o tla amogela wonamong ka go sebopego se sa mmele se se dutšego ka seatleng

se setona sa Bogoši bja Modimo, go dira dipoelano bakeng sa rena badiradibe. Gomme ka Yeo re bolokwa go tšwa sebeng ka go phethagala. E sego gore ga re dire sebe; eupša re bolokwa go tšwa sebeng, ka Bogoneng bja Modimo. Gobane, go ne sehlabelo sa Madi se eme gare ga ka le Modimo, gare ga gago le Modimo. Ke ka baka leo A rilego, “Motho yo a tswetšwego ke Modimo, ga a dire sebe, ga a kgone go dira sebe.” Gobane, ge o tswetšwe gape, wona Moya wo Mokgethwa wo o phetšego ka Mmeleng wola o phela ka go wena. Gomme O ka se kgone go dira sebe; sehlabelo se letše pele ga Gagwe. Gomme ge o se dira ka boomo, go laetša gore ga go kgonege go wena go ba ka Mmeleng wola. Amene. Yeo ke Ebangedi. Seo Yona.

³⁰⁹ Kagona, le a bona, ga O ganetšane le Mangwalo e ka ba afe. O bofaganya Mangwalo mmogo. Le a bona? “Go ka se kgonagale go bao ba kilego ba bonegetšwa.” Fao ke mo re tla hwetšago dipotšišo tša ka. Gobane, e nong go di hwetša, ke ka mokgwa wo re nyakago.

³¹⁰ Bjale hlokamelang. “Ga go kgonagale go bao ba kilego ba bonegetšwa, go wa go impshafatša bonabeng gape go tshokologo, go bona gore ba bapotše Morwa wa Modimo ka boswa, le go Mo dira . . . le go Mo tliša go dihlong tša phatlalatša.” Ba ka se kgone go e dira.

³¹¹ Ka gona le ya godimo ka go Bahebere 10, fao E bolelagoo moo, “Gobane ge re dira sebe ka boomo morago ga ge re amogetše tsebo ya Therešo.” Gomme sebe ke eng? Gosedumele.

³¹² Ge ka boomo o bona Moya wo Mokgethwa o dira dilo tše O di dirilego thwi fa mosong wo, gomme o bona gore Kriste o tsogile go tšwa bahung, gomme O phela ka Kerekeng ya Gagwe le magareng ga batho ba Gagwe, gomme o O gana ka boomo, ga go kgonege go wena go tsoge wa tla go Modimo, gobane o rogakile Moya wo Mokgethwa.

³¹³ Jesu o boletše dilo tša go swana, ge A be a dira mehlolo yela.

³¹⁴ Ba rile, “Gobaneng, Ke Beletsebubu. Yena ke mmolelelamahlatse. Yena ke diabolo.”

³¹⁵ Jesu o retologile go dikologa, gomme o rile, “Ke tla le lebalela bakeng sa seo. Eupša ge Moya wo Mokgethwa o etla le go e dira, go bolela lentšu kgahlanong le Wona go ka se tsoge go lebaletšwe ka go lefase le goba lefase le le tlago.” Gobane o biditše Moya wa Modimo wo o bego o le ka go Yena, “moya wa ditšila.”

³¹⁶ Ka gona, ge re dira sebe ka boomo, ge re dira sebe, gosedumele ka boomo. E sego ka morago ga ge re amogetše Therešo, re tswetšwe gape; re ka se kgone go dira sebe nako yeo. Modiradibe a ka se kgone go dira sa goseleb- . . . Mokriste a ka se kgone go dira sebe sa goselebalelw. A ka se kgone go se dira. Ke mohlokamodimo yo a dirago seo. Ke moitiramodumedi, e sego modumedi.

³¹⁷ Borabi bale ba Bajuda, oo, ba naganne ba be ba le dikgokgorothwane, gomme ba bile le diD.D. le Ph.D.s. Ba naganne ba bile le yona e rokeletšwe, ka mokotleng, eupša e bile badiradibe ba babebabe. Oo, ba ka no be... O be o ka se kgone go bea seatla godimo—godimo ga bophelo bja bona. Ba be ba hlwekile, boitshwaro, le go loka, ka tsela yeo. Eupša e be e le basedumele.

³¹⁸ Gomme tšeang lentšu sebe gomme le hwetše se le se rago. Lentšu *sebe* le ra “mosedumele.” Go ne maphakga a mabedi feela, e lego, modumedi goba mosedumele. Seo, motho molokafatšwa goba modiradibe. Yeo ke phetho. Ge o le mosedumele, o modiradibe; ga go kgathale o lokile bjang, o ya kerekeng gakaakang, goba ebile le ge o le moreri. O sa no ba mosedumele.

³¹⁹ Bafarisei bale e be e le bareri, gomme ba be ba le basedumele, gomme ba heleng lehono bakeng sa yona. Feel a ba bodumedi ka mo ba kgonnego go ba, le bodumeditselela, eupša ba be ba sa Mo dumele. Gomme ba Mmiditše “diabolo,” gomme ba ganeditše Lentšu la Gagwe. Gomme ba bangwe ba bona ba rile, “Ge o le, bjale fologa sefapanong. Dira mohlolo. Anke re go bone o o dira.” Yo mongwe o Mo iteile godimo ga hlogo, ka phatha, gomme o rile, “Profeta gomme o re botše ke mang a go iteilego, wena moprofeta, gomme re tla go dumela.” Le a bona, mosedumele! Ba itirišitše go dumela, gore ba be ba le badumedi, eupša ba be ba le basedumele, basetswalweboswa, ba arogantšwe, le ge ba be ba le ba bakgethwa le bodumeditselela.

³²⁰ Efela, ke selo sa go swana se eme lehono. Banna le basadi ba kgonago go ya kerekeng gomme ba ba le sefahlego se setelele, gomme—gomme ba le bodumeditselela ka mo ba kgonago go ba, gomme ba se nke ba aketša, ba utswa, gomme ba leka go phela bodumedi bja bona bokaonekaone ba kgonago. Eupša, ntle le ge ba le modumedi, ba lahlegile. Kafao ga go mongwapo wa balatelamolao ka Beibeleng. Bocalvin ke...Mogau ke se Modimo a go diretšego, gomme mediro ke se o se direlago Modimo. E arogane go felela.

³²¹ Ge o tlogela go bolela maaka, o tlogela go kgoga, o tlogela go utswa, o tlogela go dira bootswa, o tlogela tšohle, o dirile se sengwe le se sengwe, o bolokile melao, gomme o ile kerekeng, o kolobeditše Lamorena le lengwe le lengwe, o tšere selalelo, o hlapišitše maoto a bakgethwa, o dirile se sengwe le se sengwe, o fodišitše balwetši, gomme o dirile dilo tšohle tše dingwe, ntle le ge o tswetšwe ka Moya wa Modimo, o kgethilwe, o lahlegile. “Ga se yo a ratago goba yo a kitimago, eupša Modimo o laeditše kgaogelo.”

³²² Esau o lekile bokaonekaone bja gagwe go ba Mokriste, gomme ga se a kgonago go e dira. Beibele e rile o llile gabohloko, a nyaka lefelo go sokologa, gomme ga se nke a le hwetša. Pele ebile a ka tswalwa, Modimo o mo lahlile, gobane O tsebile o be

a la radihlonyana wa go bola ka pelong ya gagwe. Modimo ka tsebelopele o e tsebile. O rile, “Ke rata Jakobo, gomme Ke hloya Esau.” Gomme Esau o be a lebega boka mokgomana. O dutše gae, a hlokomela papagwe wa sefov sa go tšofala, a fepa dikgomo, le se sengwe le se sengwe, a le mošemane wa go loka.

³²³ Gomme Jakobo e be e le mošemane wa mama, mmolelakanegelo yo monnyane wa sesadi. Seo ke se a bego a le sona. Le swanetše go e amogela. Beibele e a amogela, e a e tliša. A kitima tikologong, a dira se sengwe le se sengwe. Gomme—gomme, mama, a tlhehla tikologong le mama. Eupša, efela, Jakobo, ka merotoga le motheoga le ditsela tša gagwe tša sesadi, o be a ntše a ne tlhompho go tokelotswalo yela. Yeo ke tabakgolo.

³²⁴ Esau o be a le mokgomana gabedi wa Jakobo. Ge re be re ka swanelo go mo ahlola lehono, go ba moleloko wa kereke ya rena, le be le ka tšea Esau, sekete go tee, ge le be le sa mo tsebe. Eupša Modimo o tšere Jakobo.

³²⁵ Le be le ka dira eng ka Mokgethwa Paulo, ge a be a ka nyaka go ba modiredi? Yo monnyane, Mojuda wa kgale wa nko ya hakana, gomme molomo wa gagwe o dutše ka thoko, a eya mmogo a no baka, le ka fao a yago go thuba Kereke. O ya go dira se sengwe le se sengwe. Le be le tla nagana o dirile sebe sa go se swarelwe. Eupša Modimo o rile, “Yena ke mohlanka wa ka.”

³²⁶ Modimo o tšea banna gomme o ba dira go fapano, e sego banna ba tšea Modimo gomme ba ba go fapano. Modimo o tšea monna gomme a mo dira go fapano. Ga se se o se dirago, se o ratago, se o se naganago. Ke se Modimo a se dirago. Ke lena bao. Gomme yeo ke kanegelo.

³²⁷ Bjale, Melekitsedeke yo mogolo yo, a kanegelo godimo ga Gagwe fa! Re nyaka go bala nthathana gannyane, feela mohuta wa go . . . re ile ra swanelo go e kitimiša ka lebelo bjalo. Re ya go thoma morago fa go karolo ye e itšego ya Lengwalo, gomme re ya go thoma e ka ba temana ya 15.

*Gomme efela ke . . . bohlatse bja go fetiša: gore fao . . .
gore tsela ye e swanago moprista yo mongwe o a tsoga
ka mokgwa wa Melekitsedeke.*

³²⁸ Bjale, Melekitsedeke e be e le Moprista. A O be a le? Sese se A bego a le sona. Re a hwetše gore Modimo, mathomong, e be e le mothopo wo mogolo wa Moya. A ke nnete? [Phuthego e re, “Amene.”—Mor.] O be a se ne lefelo la matswalo. O be a se ne lefelo la go hwela. O be a se ne mathomo a matšatši. O be a se ne bofelo bja mengwaga. O be a no ba Gosafelego bjalo ka ge Bokagosafelego e le Gosafelego. Ga se A ke a tsoge a tswalwa. Ga se A ke a tsoge a hwa.

³²⁹ Gomme ka kua, re a hwetše gore, O bile le mehuta ye e šupago ya Moya. A ke nnete? Beibele e boletše, ka go Kutollo, gore, “Meboya ye e šupago pele ga Terone ya Modimo.” A ke

nnete? [Phuthego e re, "Amene."—Mor.] Šupa, mamenwagašupa, Moya ye šupago. Re a hwetša, go ne mebala ye e šupago. Go ne mabaka a kerekere a šupago fao. Oo, e no kitima. Šupa ke go felela, gomme Modimo o feletše. Gomme Memoya ye e šupago, gomme Memoya yeo e be e phethagetše. Wa pele e be e le mmala wo mohubedu; lerato la go phethega, topollo. Gomme ka fao, ge re be re ne nako, go fa mebala ye le go laetsa gore wo mongwe le wo mongwe wa mebala yeo o emela go seka ga Modimo. Amene. Mebala yeo, go ne mebala ye e šupago ya tlhago. Mebala yeo e emela go seka ga Modimo. Gomme mo... Mebala ye e emela maikaelelo a Modimo, mokgwatebelelo wa Modimo. Mebala yeo e šupago, e emela mabaka a dikerekere tše šupago, dinaledi tše šupago, barongwa ba ba šupago. Gohle go kgabola Lengwalo, badiredi ba šupago, batseta ba ba šupago, melaetsa ye e šupago, tšohle di ka go dišupa. Matšatši a šupago. Matšatši a selelago, gomme la bošupa ke sebatha; phethagalo, go felela. Oo, ke go gobotse, ge nka be re be re ne nako go epolla ka go yona le go e tliša ntile, mebala yeo!

³³⁰ Tšea mmala wo mohubedu. Re tšea mmala wa pele, ke bohubedu. Bohubedu ke eng? Bohubedu ke leswao la kotsi. Bohubedu ke leswao la topollo. Gomme o lebelela bohubedu go kgabola bohubedu, ke mmala ofe? Bošweu. Yeo ke nepagalo. Kafao ge Madi a mahubedu a tšholotšwe, go khupetše sebe se sehubedu, Modimo, a lebeletše go kgabola bohubedu bja Madi, go lebelela sebe se se hubedu, se ba se sešweu. Modumedi ga a kgone go dira sebe. Ke nnete ga a. Peu ya Modimo, ditšhegofatšo tša Modimo, di dula godimo ga gagwe. Modimo ga a kgone go bona selo eupša Madi a Morwa wa Gagwe Mong. Ga go kgathale ke eng ka Kerekeng ya Gagwe, se e lego sona, Modimo ga a se bone, gobane Jesu o dira dipoelano, kgafetše, Moprista Mogolo. Ga go tsela go yena go dira sebe, ge Sehlabeled se sebjalo se robetše kua bakeng sa gagwe, ka mokgwa woo. Ka nnete aowa.

³³¹ Gomme bjale ge o re, "Gabotse, seo se mpha sebaka se sebotse..." Gona seo se laetsa gore ga se wa loka.

³³² O tla leboga Seo. O tla Se rata, ge o le Mokriste wa kgonthé, go fihla lefelong mo sebe se tla go hlorišago go fihla o sa kgone go se dira. "Gobane Peu ya Modimo e dula ka go yena, gomme a ka se kgone go dira sebe." Beibele e rile, "Ge a hlatswišwe gatee ka Madi a Jesu, ga a sa ne kganyogo ya sebe." Ge o ne kganyogo, pelo ya gago ga ya loka le Modimo.

³³³ Bjale, o tla dira phošo, eupša ga o e dire ka boomo. Le a bona? O-o tantšwe, gomme e ka ba eng o tantšwego ka go yona, goba go dira se sengwe se o sa rego go se dira, ga se ya be ya ba sebe, o tla sokologa motsotso wo o bonago gore o phošo. O tla retologa ka pela gomme wa re, "Ke be ke sa re...ga se ka bona seo." O tla bolela seo, gohle go kgabola bophelo. Motho ga a nyake go ba, ke ka baka leo re lego mašilo bjalo le go ba ka leswiswing bjalo, tlase mo lefaseng, gore go na le poelano ya Madi bakeng

sa rena, nako yohle, go re lota re khupetsegile. Gobane, phošo ya mathomo re kopanego nayo . . .

³³⁴ Bjale, kgopolu ya gago ya molatelamolao šeo. “Oo, o a tseba ke eng? Mosadi yola o hlwekišitšwe. Eupša, šegofatšang Modimo, o dirile phošo. Ke a tseba o kgelogile.” Yeo ke phošo. Ga se a kgeloga. O dirile phošo. Ge a e dirile ka boomo, gona o be a se a loka, le go thoma.

³³⁵ Ge a be a sa ikemišetša go e dira, gomme o sepelela pele ga Kereke ye kgethwa ya Modimo gomme o ipolela yona, gomme o re, “Ke fošitše, gomme ntshwareleng,” gomme le tlemega go e dira. Ga o e dire ka pelong ya gago, gona o swanetšwe ke go be o ile aletareng wenamong. Therešo. Go ne bokgethwa bja kgonthe ka kerekeng. Go ne bokgethwa bja mmapale, bokgethwa e sego bja gago, eupša bja Kriste.

³³⁶ Ga ke ne bokgethwa go bo neela go Yena. Eupša ke tshepela ka go bja Gagwe, oo, mogau wa Gagwe, gomme ke na le wona ka pelong ya ka. Ga ka o hwetša ka mediro, ga se gona ke se dirilego go o hwetša, eupša ka mogau O mpiditše le go ntaletša go tla. Gomme ke lebeletše go Yena, gomme O tlošitše kganyogo go nna. Ke dira dikete tša diphošo ka go kgwedi ye nngwe le ye nngwe, ngwaga wo mongwe le wo mongwe. Ka nnete, ke a dira. Eupša ge ke bona ke le phošo, ke re, “Modimo, ke be ke sa re go e dira, O tseba pelo ya ka. Ke be ke sa re go e dira. Ke tanyeditšwe ka go yeo. Ke be ke sa re go e dira. Wena ntebalele, Morena.”

³³⁷ Ge ke dirile phošo go ngwanešu wa ka, ke re, “Ngwanešu, ntebalele. Ke be ke sa re go dira seo.” Ka nnete, Modimo o tseba pelo ya ka.

³³⁸ Oo, ke lena bao. Sehlabelo sa Madi seseo. Šeao maatla a Ebangedi, Kereke yela ye kgethwa e sepelela pele. E sego ka ka baka la se sengwe o se dirilego; ke se sengwe o se nago selo go dira le sona. Poelano šeo.

³³⁹ Bjale, Melekitsedeke yo, ge A tlie pele.

³⁴⁰ Ke nyaka go le botša selo se sengwe. A o kile wa tšeа se— se seripa sa galase sa khutlotharo? O tšeа seripa sa galase se e lego khutlotharo, gomme o e bee gore letšatši le kgone go e bonega, e tla tšweletša mebala ye e šupago ya go phethagala. Seripa sa galase sa khutlotharo se tla tšweletša molalatladi. Yeo ke nnete tlwa. Bjale, ge nkabe re ne nako re be re tla ya ka go seo. Tharo e tliša phethagalo: Tate, Morwa, Moya wo Mokgethwa; tokafatšo, tlhwekišo, kolobetšo ya Moya wo Mokgethwa. Ke lena bao. Phethagalo e tla ka tharo. Modimo, ka godimo ga motho; Modimo, ka gare ga Motho a bitšwago Jesu; Modimo, ka Kerekeng. Gona, phethagalo.

³⁴¹ Motho o dirile sebe, ge feela Modimo a be a le godimo *fa* ka go Pilara ya Mollo. Modimo . . . Motho o dirile sebe, a ke re, pele ga Modimo, ge feela Modimo a be a le ka go Pilara ya Mollo, gobane

o be sa ntše a le sebopiwa sa ditšhila, madi a phoofolo a be a letše pele ga Gagwe.

³⁴² Morago Kwana ya Modimo e tlide, legato la kgonthela bobedi la Modimo; Modimo wa go swana, ofisi ye nngwe. Gomme ka gona Modimo yo ka go... o be a le ka go Kriste, e be e le Modimo wa go swana yo a bego a le ka go Pilara ya Mollo. Gomme Modimo wa go swana o dirilwe nama le go dula magareng ga rena. Gomme ka gona motho o dirile metlae ka Yena, e be e sa ntše e ikarabela bakeng sa yona. Go be go se gwa be gwa ba Madi a tšholotšwego nako yeo. Yeo ke nnete. Jesu o rile, “Ke tla le swarela.”

³⁴³ Eupša nako yeo Yena wa go swana a bego a le nama, o tlide ka go Pilara ya Mollo gape. “Ke tšwa go Modimo. Ke ya go Modimo.” Fa re hwetša Paulo a kopana le Yena, mo tseleng go ya Damaseko, Pilara ya Mollo ya go swana. Re hwetša Petro a kopana le Yena ka kgolegong, Pilara yela ya Mollo ya go swana. Nnete. Gomme re a Mmona lehono, magareng ga rena, Pilara ya Mollo ya go swana.

³⁴⁴ Eupša phethagalo e tlide lefelong, gore Motho wa magareng... Bjale, ge go ka direga go ba Mojuda fa, goba yo mongwe yo a kwesišago Testamente ya Kgale. E netefatše, anke ke go laetše. Ga ke ne Testamente ya Kgale le nna, gonabjale. Ye ke—ke Testamente ye Mpsha. Eupša mo moneelong wa senkgwabonwa se se bego se letše porotong ya koša, ka go sehlabelo sa Sejuda mo tlhwekišong ya tabarenekele; botšiša Mojuda e ka ba mang; ka diripana tše tharo tše borotho, seripana sa gare se be se robilwe. Yoo e be e le Kriste. Seripana sa gare se be se robilwe; Kriste, mobagare. Go bontšitše gore go be go swanetše go ba go roba, felotsoko, bakeng sa topollo. Gomme seripana seo se be se tšewa go ba topollo, godimo ga borotho bja koša.

³⁴⁵ Gomme šo Yena. Gomme bošegong bjo, ge re tšeal selalelo, re ngwatha borotho bja koša, gobane ke mmele wa Kriste. Gomme O ile a robja mo Khalibari, go ba Seloba sa dibe tša rena, gore ka toko ya Gagwe re ke re be toko ya Gagwe. Gobane O bile sebe sa rena, gore re ke re be toko ya Gagwe. Ngwanešu, woo ke mogau go seka. Gofelela. Ga go tsela, tsela e ka ba efe ye nngwe o ka lokafatšago.

³⁴⁶ Bjale, Melekitsedeke yo, Motho yo mogolo yo yo a go gahlanetšwa tseleng, o lefile, Abraham o lefile tša lesome go Yena. Monna O swanetše go be a be a le yo mogolo gakaakang! Bjale hlokamelang, ka pela.

*Yo a dirilwego, e sego ka morago ga molao wa...
ditaelo tša nama,...*

³⁴⁷ Bjale le bona molao wola wa molatelamolao? Molao o rile, “O se ke wa bolaya. O se ke wa dira bootswa. O se ke wa utswa.”

³⁴⁸ Jesu o retologile thwi go dikologa morago, o rile, “Ba nako ya kgale ba boditšwe, ‘O se ke wa bolaya,’ eupša Ke re yo a tsogego a

befelelwa ngwanabo, ntle le lebaka, o šetše a bolaile. Go boletšwe go bona, ba dinako tša kgale, ‘O se ke wa dira bootswa,’ eupša Ke re go lena, mang kapa mang a lebelelago mosadi go mo kganyoga, o šetše a dirile bootswa le yena ka pelong ya gagwe.’ Ke lena bao. Seo se swanetše go ruta basadi mokgwa wa go apara, mokgwa wa go dira se se nepagetšego. O apara go fošagala, gomme o dira banna go go lebelela ka tsela ya go fošagala, o ne molato wa go dira bootswa, go no swana le ge o ile go kgabola tiro. Jesu o boletše bjalo.

³⁴⁹ Gomme lena batho ka dibefedi tše tša bogale bja saga, bao ka mehla le tshwelego yo mongwe go tšwa molomong, le sa kgonego go itshwara, le dilo boka tše. Hlokamelang. O ne molato ge o bolela lentšu kgahlanong le ngwaneno yo a sego gabotse, e sego go no, go ya go dikologa o e kgeretlanya. Ga wa swanela go hlaba motho ka thipa ka magetleng go mmolaya. O ka roba semelo sa gagwe gomme wa mmolaya, wa bolaya khuetšo ya gagwe. Go bolela kgahlanong le modiša wa lena fa, wa bolela se sengwe ka yena, o ka no ba bjalo ka ge o mo thuntše. Go bolela se sengwe seo se sa lokago ka yena, gabotse, go tla bolaya khuetšo ya gagwe go batho le dilo boka tše, gomme o ne molato ka yona. Se Jesu a se boletšego.

³⁵⁰ Bjale, theetšang mo, seo—seo Paulo a bego a leka go fihla go sona fa. Ke rata Beibele ye ya kgale. E a go otlolla. Lebelela, oo, e no lebelela fa. Bjale, bjalo ka ge re badile nne— . . . “Ke . . . gobane go molaleng gore Morena wa rena o tabogetše ka ntle ga Ju— . . .” Emang, ke a dumela ke ne temana ye nngwe fa ke bego ke eya go e bala. Aowa, fase fa go ya 16.

*Yo a dirilwego, e sego ka morago ga molao wa . . .
ditaelo tša senama, . . .*

³⁵¹ Seo ke semolao, le a bona. “Oo, ngwanešu, ke—ke be ke se ka swanela. Ke be ke se ka swanela. Ke a tseba, eupša ke . . .” Yeo ga se yona. Ke lerato leo le e dirago.

³⁵² Ka fao re ilego ra e kgabola! Ke rile, “Ge ke rile go wa ka . . . ka mosadimogatša wa ka, ‘Oo, gabotse, ke—ke—ke rata go ba le basadibagatša ba babedi. Ke tla rata go gerema tikologong le yo motee *yo*, ke dire yo motee *yo* kua. Eupša, ge nka dira, mosadimogatša wa ka o tla ntlhala, gomme digitlane tša ka di tla ba ka go . . . Bodiredi bja ka bo tla lahlega.’” Wena wa ditšhila, moikaketši wa go bola. Yeo ke nnete. Ga o mo rate gabotse, lefelong la pele. Yeo ke nnete tlwa.

³⁵³ Ge o be o mo rata, go ka se be molao ka lona. O tla mo rata, golebjalo, gomme wa gomarelana le yena. Yeo ke nnete tlwa. Gomme lena basadi le tla dira selo sa go swana go monnamogatša wa gago. Yeo ke nnete.

³⁵⁴ Dinako tše dingwe basadi ba ba lefelo, goba . . .

³⁵⁵ Monna o bona Isebele yo mongwe yo monnyane wa go pentwa gohle, le a tseba, gomme o—gomme o tla ya go dikologa, wa mo

kgalega; mohlomongwe o ne mosadimogatša wa go loka. Gomme ka gona o ipitša Mokriste wenamong. Dihlong go wena. O nyaka kelo ye nngwe ya aletara. Yeo ke nnete.

³⁵⁶ Gomme ba bangwe ba lena—gomme ba bangwe ba lena basadi le lebelela tikologong go moisa tsoko yo monnyane wa kgale ka moriri wa gagwe wa go redimošetšwa fase, ka Vaseline go lekanelo godimo ga wona go...bula molomo wa gagwe. Gomme ka gona o...

³⁵⁷ Mosetsana tsoko yo monnyane wa kgale, mo e sego kgale go fetile....Wo ga se motlae, gobane ga ke re go e bolela bjalo ka motlae. Eupša batho ba a tseba gore le ga se lefelo la go dira motlae. Eupša mosetsana yo monnyane wa kgale fa, o...Go be go le bašemane ba bakaone fa, bašemane ba Bakriste. Nako ya kgale ya go feta, ge ke be ke diša fa, re be re no ba le ditlelase tša masogana. Gomme ke be ke tla bolela le makgarebe ka Lamorena morago ga sekgalela, ka thobalano le dilo. Morago Lamorena la go latela morago ga sekgalela, ke bolele le masogana, gomme ke leka go dira dilo tše di thibetšwe.

³⁵⁸ Mosetsana yo mongwe yo monnyane wa kgale o ile a thoma go sepela le lethogošwahla tsoko le lennyane la kgale go theoga toropo fa, o kgogile disekerete gomme o bile le flaseke ka potleng ya gagwe. Gomme o be a namela mmatseleng wa koloi ye nnyane go dikologa toropo. Ke be ke sa kgone go bona se a se bonego ka go mošemane yola. O be a sa tle kerekeng. O be a tla dula ka ntle kua. A mmea ka kerekeng ntle fa, gomme ka gona o be a tla dula ntle kua ka ntle, ka koloing ya gagwe, le go leta, o be a sa tle ka kerekeng. Ke rile go yena letšatši le lengwe. O be a dula ka New Albany. Ke rile, “Ke nyaka go go botšiša se sengwe, mosetsanyana. Ke eng ka lefaseng o se bonago ka mošemaneng yola?” Ke rile, “Lefelo la pele, o hloile bjona bodumedi bjo o—o nago nabjo. O nyatša bjona Bokriste bja gago. A ka se tsoge a go direla monnamogatša. O tla go dira maswabi, bophelo bjohle bja gago.” Gomme ke rile, “Gabotse, go ne bašemane ba bannyane ba bakaone ba Bakriste fa ba o ka sepelago le bona. Gomme kua papago le mme ba nyatša megopololo ya gago go ya ka ntle, eupša o a ya golebjalo, gomme o a nagana, ‘Ke letšitši la lesometshela.’”

³⁵⁹ O ile a thoma go tlola meikapo le go kitima ntle, gomme selo sa pele, o be a le ka dipareng. O ile Bokagosafelego bjale. Eupša nako yela, o eme mo. Gomme a le tseba se boitshwarelelo bjo mosetsana yola a mphilego morago kua, gore o be a rata mošemane yola? O rile, “O na le maoto a mannyane a mabotsana phetelela, gomme o nkga gabotse bjalo.” A o ka eleletša seo? A itšhetše senkomonate, yo ke mosadi, e sego monna.

³⁶⁰ “Lebelela,” ke rile, “kgaetšedi, bokaone ke sepele le mošemane wa Mokriste yo a bilego le maoto a go swana le dikoloi tša lehlwahlwa gomme a nkga bjalo ka moswe, ge a be a le Mokriste go felela.” Yeo ke nnete. Therešo. Ya.

³⁶¹ Ke boitshwarelelo, “Maoto a mannyane a mabotsana phetelela bjalo, gomme o nkga gabotse.” Mokitima pareng yo monnyane, mafelelong o sentše bophelo bja mosetsana. Ke dihlong, ke kgobogo.

³⁶² Lenyalo le a hlomphega, eupša le swanetše go tsenwa ka thapelo le tlhomphokgolo. Gomme lerato la mmapale go mosadi yola le tla le tlemaganya mmogo neng le neng. “Se le se tlemago lefaseng, Ke tla se tlema Legodimong.” Ge o sepela go theoga mokgotha mošola, a ka no tšofala le go pudufala le go šošobana, eupša leo le swanago o bilego nalo bakeng sa gagwe ge a be a sa le yo moswa, mosadi yo mobotse, o tla be a sa ne nalo.

³⁶³ O ka no ba le magetla a go kobama, hlogolefatla, le sefahlego sa mašošo le se sengwe le se sengwe gape, eupša o tla go rata feela boka o dirile ge o eme ka magetla a papatla le moriri wa dikhele, ge ka kgonthe e le Modimo. Gobane le lebeletše go nako ge o tsheletše mošola wa noka, ge le tla tabogela morago, gape go masogana le basadi go phela mmogo neng le neng. Yeo ke tshepišo ya Modimo ya Gosafelego. O rile O tla e dira. Yena, e sego feela seo, re tla tsena ka go sona mo motsotsong, O enne O tla e dira.

³⁶⁴ Theetsang ye, ge re eya pele.

Yo a dirilwego, . . . morago ga molao wa . . . ditaelo tša senama, eupša ka morago ga maatla a . . . bophelo bohlokamagomo.

³⁶⁵ Bjale re ya go bala ka lebelo, gore re kgone go e hwetša.

Gobane o pakile, Wena o moprista go ya go ile ka morago ga tshepedišo ya Melekitsedeke.

Ge feela go tla hlokega moprista, O tla ba Moprista.

Gobaneng go ne bohlatsa bja go dirullwa ga ditaelo go ya pele . . . bofokodi bja go hloka mohola ga tšona.

Gobane molao ga o dire selo go phethega, . . .

³⁶⁶ O ka se kgone, ga go kgathale se o se dirago. O tlogela go nwa, tlogela go kgoga, tlogela go aketša, o ya kerekeng gomme o leka go dira *se* le go leka go dira *selo*, o sa no ba senama. Woo e no ba molao. Molao ga o dire selo go phethagala. Eupša ke eng e dirago go phethagala? Kriste. Letago! Nka no tlogela go aketša, tlogela go utswa, tlogela go dira bootswa, tlogela go sohla, tlogela dilo tšohle, gomme ke sa le wa senama. Modimo ga a e amogele, gobane ga ke ne selo go Mo neela go ba seloba.

³⁶⁷ Eupša motsotsso wo ke beago diatla tša ka godimo ga hlogo ya go šegofala ya Morena Jesu, gomme ka re, “Morena, ga se ka loka. A O ka ntšeа bjalo ka mohlanka wa Gago?” gomme Modimo o atla sebe sa ka go tloga, ke ema ke phethagetše mahlong a Modimo. Yeo ke nnete. Gobaneng? Ga se ka ema ka mediro ya ka mong. Ke eme go ya Gagwe. Gomme O re phethagaditše, ka tlaišego ya Gagwe le Madi a Gagwe.

³⁶⁸ Ke a bona ke nako ya go tswalela. Eupša ke nyaka go fetša go bala ye ge nka kgona, ka pela.

. . . go ya pele ga bofokodi ke go hloka mohola ga wona.

Gobane molao ga se wa dira selo go phethagala, eupša go tliša ka gare kholofelo ye kaone go dirile; (Kholofelo ye kaone ke eng? Kriste.) yeo ka yona re batamelago kgauswi ga Modimo.

³⁶⁹ Gobaneng? Ka bobotse bjohle bja rena, le bobotse bjohle bja rena, le bobotse bjohle bja rena, re sa no ba ba nama. Eupša gatee ka Bogoneng bja Modimo, go lemogeng gore re ka se kgone go tsoge ra ema fao, ke feelsa ka mediro ya Jesu Kriste, gona re batamela kgauswi go Modimo, ka mediro ya Morwa wa Gagwe. “Morena, ke tla go Wena, ka pelo ya go hloka bomenemene. Leineng la Morwa wa Gago Jesu, hle nkamogelete.” Oo, ngwanešu, o tla ka tsela ya go phela nako yeo.

³⁷⁰ E sego, “Morena, O a tseba ke tlogela go nwa. O a tseba ke swara mosadimogatša wa ka gabotse. O a tseba ke dira *se*. Ke dira *sela*.” Ga o ne selo go neela.

³⁷¹ “Gobane molao wa ditaelo tša senama ga se o kgone go dira selo, eupša go tliša ka gare kholofelo ye nngwe go dirile. Kholofelo yeo e lego Kriste, re na le yona bjalo ka sekgwaparetši sa soulo, e tīle le go ba nnete.” Šetšang.

Gomme bontši bjalo ka ntle le keno o . . .

Lešalaina, ge le ka hlokomela ka fa, le ka ditlhaka tša ithaliki.

. . . *o dirilwe moprista:*

E sego feelsa moprista, eupša O dirilwe Moprista ka keno. E sego . . .

³⁷² Bjale hlokomelang. A re hwetšeng boprista ka moka.

(Gobane baprista bao, Balefi, toko, go loka, banna ba go botega, baprista bao ba dirilwe ntle le keno; . . .)

³⁷³ Modimo o nno re, “Ka morago ga tshepedišo ya—ka morago ga tshepedišo ya Arone, gore O dirile baprista ba.” Ba tla go theoga go kgabola meloko. Ba ya sekolong gomme ba ithuta go ba bareri le go ya pele. Ba tla fase. Kafao Modimo o ba dirile baprista ka mokgwa woo. Ba itirile baprista bonabeng, ka thuto ya bona, ka bohwa bja bona, le go ya pele. “Eupša Monna yo o dirilwe Moprista ka keno ye Modimo a e tšerego.” Theetšang sekgauswi bjale.

(. . . ba dirilwe ka ntle le keno; eupša yo ka keno ka yena yo a rilego go yena, Morena O enne gomme a ka se sokologe, amene, Wena o moprista go ya go ile morago ga tshepedišo ya Melekitsedeke:)

Ka bontši bjalo Jesu o dirilwe netefatšo ya testamente ye kaonana.

Bjale, ka pela.

*Gomme bona ka therešo ba be ba le baprista ba bantsi,
gobane ga se ba tlogelwa go tšwelapele ka le lebaka la
lehu:*

Dikete atiša ka dikete atiša ka dikete, tša baprista, gobane ga se ba ba le selo eupša feela lehu le lehu le mafokodi, le lehu le lehu le lehu.

³⁷⁴ Eupša Mo šetšeng.

Eupša monna yo, (Monna ofe?) Jesu, gobane motšhaotšhele o tšwetšepele ka mehla, o bile le boprista bja go se fetoge. Ba kae . . .

Kagona o kgona gape go ba phološa go ya kgolekgole; ga go kgathale kgole gakaakang, o nangasetše gakaakang, bokgole gakaakang, O kgona go phoša go fihla kgolekgole; ba ba tlogo go Modimo ka yena, . . .

Bjale ka . . . go go loka ga gago; eupša ka boipolelo bja gago. Le a bona?

. . . ba ba tlogo go Modimo ka yena, go boneng o phela ka mehla go ba direla dipuelano.

Yena o thwi fao, kgafetša, o dira dipuelano.

Go tšwa go moprista mogolo yo bjalo go tlide rena, a lego yo mokgethwa, mohlokakotsi, mosetšhilafatšwe, a arrogantswe go tšwa go badiradibe, le go dira moprista mogolo legodimong;

³⁷⁵ Šeo yona. Bjale, ge ke leka go emela molato wa ka mong, ke tla o loba. Ge ke leka go emela, ka re, “Gabotse, papa wa ka e be e le monna wa go loka. Papa wa ka e be e le moreri. Gabotse, ke phetše ka kerekeng.” Ke sa ntše ke o lobile. Eupša Monna yo ke Yena wa go phethagala, Kriste. O dutše fale gomme o neela Madi a Gagwe kgafetša bakeng sa dibe tša ka. Ke lena bao.

*Yo a sa hlokego tšatši ka tšatši, bjalo ka bale . . .
baprista, go neela dihlabelo, sa pele bakeng sa dibe tša gagwe, morago tša batho: gobane se o se dirile gatee, ge a ineetše yenamong.*

³⁷⁶ Bjale šetšang temana ya mafelelo.

Gobane molao o dirile banna baprista ba ba nago le mefokolo; . . .

³⁷⁷ Ke seo molao, molao wa senama, o se dirago. Bjale, ke duma ge ke be ke nno ba le diiri tše pedi thwi fa. Ke ka fao molao o sa ntšego o dira banna bareri. Yeo ke nnnete.

³⁷⁸ Gobaneng, ba re, “Gabotse, monna yo o ne boitemogelo bja seminari.” Ke be nka se rekiše boitemogelo bja ka bjo bonnyane bja kgale bja Legodimo bakeng sa diseminari tšohle ka lefaseng.

³⁷⁹ “Gobaneng, re rutile monna yo. O—o topilwe ka seatla. Ke monna wa maitirelo.” Ga ke rate mohuta woo. Ke rata monna modirwa ke Modimo. Le a bona? Le a bona?

³⁸⁰ Eupša molao o sa dira baprista. Molao o sa dira bareri. Ke—ke kereke ya Baptist, ba neela bareri ntle; diatla di tletše ka bona, ba ne motšhene wo o ba tšweletšago. Mamethodist ba ne nabo. Mabaptist ba ne nabo. Mapresbyterian, Nazarene, Pilgrim Holiness, Mapentecostal, ba ba tšweletša ka lebelo ka mo ba kgonago, boka mmušo wo mogolo, motšhene wo mogolo. Ba eme kua boka . . .

³⁸¹ Ka mehla ke rile, “Ka nnete ke—ke kwela letswiana la sealamedi bohloko.” Le a tseba, letswiana le lennyane la kgale le le phaphašitšwego ka fase ga sealamedi, ga se la phaphašwa gabotse. Aowa. Kgogotshadi e swanetše go phaphaša letswiana. Eupša letswiana la sealamedi, ge le etšwa, “tswio, tswio, tswio,” gomme ga le ne mama go ya go yena. Le a bona? Ga a tsebe se mama a lego sona. Yeo ke nnete. O tswinya bakeng sa yo motee, eupša ga a ne le e e ka ba.

³⁸² Eupša letswiana le lennyane le le phaphašitšwego ka fase ga kgogo, tsela ya tlhago, le a tswinya gomme mama o a araba. Yeo ke nnete.

³⁸³ Gomme dinako tše dingwe ke nagana ka bjo fa boitemogelo bja seminari bo tšwa ka fase ga dialamedi tše kgolo tše ka Louisville le gohlegohle lefaseng, di phaphaša bareri ba dikete. Dialamedi tša Pentecostal, le dialamedi tša Presbyterian, le—le dialamedi tša Baptist, tšohle di phaphaša matswiana a tšona—tšona—tšona a mannyane. A, “tswio, tswio, tswio,” le go bolela ka sealamedi a phaphašitšwego go tšwa go sona.

³⁸⁴ Eupša ke rata go ba le Tate, Mme. A go šegofatšwe Leina la Morena! E be e se ba bantši kudu le nna, eupša ba ba bego ba le kua e be e le banešu ba ka. Amene. Re ne Mme yo a arabago ge o . . . Mme Yo a lego Legodimong, Yo e lego Mme wa rena bohole. “Bjalo ka ge kgogotshadi e alamela segola sa yona, le go kuruetša go wona, le—le go kuruetša godimo ga a gagwe . . . alamela godimo ga matswiana a gagwe, kafao Ke tla alamela godimo ga gago. Oo, Jerusalema, Jerusalema, ke gakaakang Nkabego ke go tšere boka kgogotshadi e dira go segola sa gagwe! Ke ga kae Nkabego ke go dirile wa Ka, eupša ga se wa rata. O bile le diseminari tša gago mong, o phaphašitše baprista ba gago. Ba go rutile kgahlanong le Nna. Bjale o šiilwe nyanyeng mong. Tshenyo ya gago e letše pele ga gago.”

³⁸⁵ Bjale ke bolela se. Oo, batho! Oo, batho, ke gakaakang Moya wo Mokgethwa o ile wa le alamela, bjalo ka kgogotshadi e dira go segola sa gagwe! Eupša le nyaka tsela ya lena beng. Le ya go ba le tsela ya lena ka Yona.

³⁸⁶ Botee bja mašego a ke tla rata go rera ka, “Tsela ya gago mong.” Le a tseba, Kaine o nyakile tsela ya gagwe mong. Monna o

nyaka tsela ya gagwe, lehono. “Eupša go na le tsela ye e bonalago e le therešo, eupša bofelo ke lehu.”

³⁸⁷ Bjale hlokomela. “Ka go seo O rile, ‘Kgwe—kgwe kgwerano ye mpsha . . .’” Ke dumela, bjale seo . . . Aowa. Ke bile lefelong la go fošagala.

³⁸⁸ Temana ya 28.

Gobane molao o dira banna baprista bagolo bao ba nago le mafokodi; eupša lentšu la keno, le le bilego ge e sa le molao, le dira Morwa, yo a tšwelagopele go ya go ile.

³⁸⁹ Modimo a šegofatšwe neng le neng, wa Morwa yo a tšwelagopele neng le neng ka morago ga tshepedišo ya Melekitsedeke. Gomme ga se A tsoge a ba le mathomo. Ga se A tsoge a ba le bofelo. Gomme molao ga se o kgone go tšweletša selo boka seo, gobane e be e le senama. Kereke ga e kgone go tšweletša selo boka seo, dikerekemaina, gobane ke tša senama. Di—di diseminari di ka se kgone go tsoge tša tšweletša e ka ba eng boka seo. Ba lekile go rutela lefase go Lona. Ba lekile go Le kgatlofatša. Ba lekile tsela ye nngwe le ye nngwe lefaseng, go dira sengwe le se sengwe ba bego ba kgona, gomme ba tlogetše selo segolo: “Le swanetše go tswalelwka go Lona.” Modimo o go dira se o lego sona, nnete, e sego ka gobane o tlogetše go dira *se*.

³⁹⁰ Bjale, Manazarene, ga wa swanela go rwala palamonwana, o ka se kgone go rwala sešupanako, gomme o swanetše go ba le dilo tše di *itšegoitšego*, matsogo a gago a swanetše go ba botelele *bjo*, matsogo a hempe, dikhetha tša lena di swanetše go ba botelele *bjola*, gomme ba—gomme banna ba ka se kgone go ba ba lotše. Gomme ba ka se go kolobetše ge o sa. Go lokile. Mo go tla Katoliki ka gare, gomme ba ne tša bona. Gomme fa go tla Mamethodist ka gare, ba ne tša bona. Yo mongwe le yo mongwe o ne kelo go ela go fihla. Ge o sa e dire, go lokile, ke phetho. Le a bona?

³⁹¹ Gomme ka gona, eupša selo sa kgonthe ke, ke se, “Ga go selo ka matsogong a ka ke se tlišago! Ke no gomarela gabonolo sefapanong sa Gago. O Modimo, ke hlobotše, ke gobetše, ke hloka thekgo. Oo, ke tla ka go kokobela kudukudu, Kriste, ke ipolela gore ga ke selo gomme ga go selo ka go nna. Nkamogele, O Modimo.” Ka gona Modimo o a nkamogela.

³⁹² Bjale, o ka no be ebile o sa tsebe boABC ba gago. O ka no ba o sa tsebe kofi go tšwa go erekisi ya go phatloga. O ka no ba o tseba, sa tsebe *bjo* go tloga go ao, se setona go tšwa go seatla sa nngele. Ga go dire phapano se o sa se tsebego. Go ne selo se tee o *swanetšego* go se tseba, gore, Jesu Kriste o tšere lefelo la gago bjalo ka modiradibe. Gomme o tšea lefelo la gago, go ema ka go toko ya Gagwe, o ipolela letšatšing le lengwe le le lengwe gore o phošo, gomme o Mo rata ka pelo yohle ya gago, gomme maikaelelo ka moka a gago a beilwe go leba go Yena, o tla ya

Legodimong. Ke sohle se lego go yona, gobane Bophelo bjo bo bego bo le ka go Kriste bo swanetše go ba ka go wena, goba o lahlegile.

³⁹³ Feela pele ga go tswalela, a le elelwa kgwerano tlhokamabaka ye Modimo a e dirilego le Abraham? Yena o dirile eng mantšboa ale ge Modimo a rile, “Anke ke bone...” Ge Abraham a rile, “Anke ke bone ka fao O yago go e dira.” Tema ya 16, ke a nagana ke yona, ya Genesi. “Anke ke bone ka fao O yago go e dira.”

³⁹⁴ O rile, “Etla fa, Abraham.” Gomme O tlošitše Abraham, o rile, “Eya go Ntšeela kga—kga kgapa, gomme eya go Ntšeela pu—pu—pu pudi, gomme eya go Ntšeela sethole. Gomme Ke go nyaka o di tšeela godimo fa gomme o dire sehlabelo.”

³⁹⁵ Gomme Abraham o ile gomme a tsea nku, le—le pudi, le kwa—kwa—kwa kwana, goba, sethole. Gomme o di bolaile. Tšohle e be e le dihlabelo tša go hlweka. Gomme a di phaphologanya tselaseripa ka bobedi, gomme a di bea ntłe. Gomme o ile gomme a tsea mekurunyane ye mebedi, gomme a e hlomela ka gare. Gomme Abraham a hlapetša dinonyana go tloga go tšona, a letile Modimo go tla. “Bjale, Morena, sehlabelo sesele, O ya go dira bjang se? Ga ke tsebe ka fao O yago go phološa motho kgahlanong le thato ya gagwe mong. Ga ke tsebe ka fao O yago go dira se. O kgona go e dira bjang, Morena?”

³⁹⁶ Morena o rile, “Bjale šetša, Abraham. O moprofeta. O wa semoya, gomme o tla kwešiša se Ke bolelagoo ka sona.”

³⁹⁷ “Go lokile, Morena, ke nyaka go bona.” Bjalo ke no e diragatša.

³⁹⁸ “Kafao, Abraham, tla godimo mo bjale, gomme dula fase fa gomme o hlaše tšona dinonyana.” Kafao o tšošitše dinonyana tšohle, go fihla letšatši le thomile go dikela.

³⁹⁹ Gomme selo sa pele le a tseba, Modimo o tlide fase. Ge A tlide fase, Abraham a thoma go otsela. Modimo o rile, “Abraham, Ke ya go go robatša.”

⁴⁰⁰ Bjale theetša, mogwera molatelamolao. Le a bona, Modimo o tlošitše Abraham go felela go tloga seswantšhong, ga go selo le gatee a bego a swanetše go se dira ka go yona. Gomme ke ka tsela ye A go hweditšego. O rile, “Oo, ke nyakile Modimo.” Ga se wa dira.

⁴⁰¹ Modimo o go nyakile, “Ga go motho a ka kgonago go tla go Nna ntłe le ge Tate wa Ka a mo gogile pele.” Le a bona?

⁴⁰² Ke Modimo a go nyakago, e sego wena o nyakago Modimo. Ga se wa tsoge wa e dira. Tlhago ya gago e fošagetše. O kolobe. Ga o tsebe phapano e ka ba efe. O no phela ka hokong ya kolobe. Ke sohle o se tsebago. O a se rata. O nwa piri, o pshikologa tikologong, o tšhaba le mosadimogatša wa monna wa go latela, gomme o dira se sengwe le se sengwe o kgonago go se dira ke se

sebe, se no bonala e le sa go loka. “Oo, ngwanešu, re ne nako ye kgolo!” O nagana ke mo gobotse.

⁴⁰³ Eupša Modimo o kokota pelong ya gago. [Ngwanešu Branham o kokota godimo ga phuluphithi—Mor.] Ke seo se fetolago. E sego wena o kokota gó Modimo; Modimo o kokota go wena. Adama ga se a tsoge a kokota pelong ya Modimo; Modimo o kokotile pelong ya Adama. Gomme o morwa wa Adama. Yeo ke nnete. Pele Adama a ka kgona go ba morwa wa Modimo, gape, Modimo o swanela go kokota pelong ya gagwe. Pele o ka kgona go ba morwa wa Modimo, Modimo o swanela go kokota pelong ya gago.

⁴⁰⁴ Morago, Abraham o ile a robala. Gomme ge a ile go robala, selo sa pele se a se bonego e bile eng? La kgonthe la go šiiša, la sepoko, la go tšoša, leswiswi. Leo ke lehu, le le tlago godimo ga morafe ka moka wa batho. Morago o lebeletše kgojana go feta fao, gomme o bone leuba la muši. Pele o ka ba le muši, o swanetše go ba le mollo. Ke ka baka leo ke dumelago hele bjalo ka lefelo la go tšuma. Go lokile.

⁴⁰⁵ O bontšitše, yo mongwe le yo mongwe wa rena o swanela lehu, gomme yo mongwe le yo mongwe wa rena o swanetše go ya heleng, gobane re badiradibe.

⁴⁰⁶ Bjale, eupša, godimo ga seo, o bone se sennyane, Seetša se sešweu.

⁴⁰⁷ Gomme se sennyane se, Seetša se sešweu, Seetša ke eng? Seetša se sešweu sela e be e le eng? Pilara yela ya Mollo ye e ilego pele ga bana ba Israele. Pilara ya Mollo ye e kopanego le Paulo tseleng go theogela Damaseko. Pilara ya Mollo ye e ntšitšego Petro ka kgolegong. Pilara ya Mollo ye e lego fa bošegong bjo.

⁴⁰⁸ Yola wa Gosafelego, Modimo wa kagosafelego, Yena Yenamong a sepetše gare ga dihlabelo tša go phaphologana, (oo, nna), morago le pele go sengwe le sengwe. “Wo ke mokgwa wo Ke yago go dira, Abraham. Šetša Nna, se Ke yago go se dira. Ke dira kgwerano fa. Gomme Ke tla tše keno, gore, go ya ka Peu, Ke tla tsoša Mmoelanyi. Ke tla dira kgwerano le lehu. Gomme Ke tla ahlola lehu, ka namemg, gobane Nna ka Bonnamong ke tla tla go le tše. Abraham,” o rile, “ka Peu ya gago, Abraham, go tla tla, o tla ba tatago lefase, ka Peu ya gago. Gomme e sego wena o nnoši, Ke dira tshepišo ye le wena, eupša Peu ya gago ka morago ga gago.” O tsebile yo mongwe le yo mongwe o be a tla ba. “E sego bona; eupša se Ke se dirago. Ke ya go se dira, Abraham. Ke tshepile Adama, o robile ya gagwe. Gomme yo mongwe le yo mongwe o robile ya bona. Eupša Ke tla dira ye le Nnamong, le go ena ka Nnamong, ‘Ke tla E boloka.’” Amene. Amene. Amene.

⁴⁰⁹ Re dira eng, re dira kgwerano? Ke re, “Ngwanešu Neville . . .” Bjale šetšang se, motsotso feela. Ke re, “Ngwanešu Neville, ke go botša se ke tla se dirago. Ge o ka rera go fihla . . . gosasa bošego, le

bošego bja go latela, pele go fihla Laboraro, ke tla rera, go tloga Laboraro, go ya pele go fihla Lamorena.” [Ga go selo godimo ga theipi—Mor.] “O dira tumelelano yeo?”

⁴¹⁰ “Ee, mohlomphegi.”

⁴¹¹ Še tsela ye re e dirago. “Šikinya, mošemane.” [Ngwanešu Branham le Ngwanešu Neville ba šikinya diatla—Mor.] Yeo ke yona. Yeo ke kgwerano ka Amerika. Ke ka mokgwa wo re dirago kgwerano.

⁴¹² Bjale, ba dira bjang kgwerano ka Japane? Re a dira, re re, “O dira *bjalo le bjalo*, gomme ke tla dira *bjalo le bjalo*.” Re tšeа mosobo wo monnyane wa letswai, gobane letswai le fa mohlodi. Gomme re tšeа letswai, gomme ke le fošetša godimo ga Ngwanešu Neville, gomme Ngwanešu Neville o tšeа letswai—letswai gomme o le fošetša godimo ga ka. Yeo ke kgwerano ye e tlemago.

⁴¹³ David Livingstone o dirile bjang kgwerano le manegro a Afrika, go ya ka nageng ya gagwe? O ile gomme a hwetša kgoši, gore a kgone go feta go kgabola godimo fao, go rera Ebangedi le go dira mošomo. Gomme ba tšere galase ya beine. Še kgwerano le monegro ka Afrika. Ba bile le galase ya beine. Gomme kgoši ya manegro e futše diterebe tša gagwe mong, gomme a di gamolela ka galaseng ye ya beine. Gomme David Livingstone o futše diterebe tša gagwe, gomme a di gamolela ka galaseng ye ya beine. Ba ile ba e hudua. Livingstone o nwele seripa sa yona, gomme kgoši ya monegro o nwele seripa sa yona. Morago ba fana mpho, seng sa bona. Kgoši ya monegro, David Livingstone o rile, “O nyaka eng go nna?”

⁴¹⁴ O rile, “Jase yeo ye tšhweu o e aperego.” Kafao Livingstone o apotše jase ya gagwe gomme a e fa kgoši ya monegro. O rile, “O nyaka eng?”

⁴¹⁵ O rile, “Lerumo leo le lekgethwa o le swerego ka seatleng sa gago.” Gobane, o tsebile o be a ka kgonia go ya ka gare ka leo, kafao o tšere lerumo leo. Gomme ba bile baena, gobane ba dirile kgwerano.

⁴¹⁶ Gomme ge a be a eya pele, gomme ditšhaba ge di be di kitimela ntle go mmolaya, o be a phagamišetša godimo lerumo leo le lekgethwa. Gomme ge a dirile, ba lebeletše gomme ba rile, “Oo, oo, re ka se kgwathe monna yola.” Gobaneng? “Ke ngwanešu wa kgwerano, le ge e le yo mošweu, ga se ra tsoge ra mmona pele.” Ga se ba tsoge ba tseba gore ba be ba le ba baso go fihla ba mmone. Ga se ba tsoge ba bona yo bjalo pele. “Eupša ke ngwanešu wa kgwerano. O swere lerumo la kgoši ka seatleng sa gagwe.”

⁴¹⁷ A seswantšho se sebotse, lehono, sa go nwa Madi a kgwerano a Morena Jesu, ka maatla a Moya wo Mokgethwa godimo ga rena! Re ya pele Leineng la Jesu, gomme maswao a a tla latela bona ba e lego ba lona. Ke Lerumo le lekgethwa la Kgoši. Le bona ka fao e lego, kgwerano?

⁴¹⁸ Ba be ba e dira bjang ka nako ya ka bohlabela? Ba dirile keno, seng sa bona. Ba be ba bolaya phoofolo, ba e phaphologanya, gomme ba ema thwi magareng. Ba—ba banna ba babedi ba be ba ema magareng ga yona, phoofolo ya go phaphologana. Gomme ba be ba thala kgwerano. “Ge nka šitwa go boloka *ye*, ge nka šitwa go dira *se*, gobaneng *ye le bjalo le bjalo*, anke mmele wa ka o be bjalo ka phoofolo ye e hwilego. Anke mmele wa ka o be bjalo ka phoofolo ye e hwilego.” Gomme ge ba dira seo, ba tsea kgwerano ye gomme ba ema magareng ga *ye*; ba dira keno, ba tsea keno gore ba tla e dira. Gomme ba kgeila lephepha, mmogo, go arogana, gomme ba le neela monna yo motee, yo mongwe wa go latela. Ka nako ye e itšego ba tla kopana. Gomme anke ba hwe lehu, ge ba ka šitwa ke go boloka keno yeo; gomme ba be bjalo ka diphoofolo tše di hwilego. Go lokile.

⁴¹⁹ Le hlokomela diphoofolo tše tharo? Ya go phethagala; kwana, pudi, gomme sehlabelo se phethagetše ka boraro. Kwana e be e le eng... Mokurunyane e be e le eng? Gomme mekurunyane ye mebedi e be e era eng? Mekurunyane ye mebedi e be e dirwa sehlabelo bakeng sa bobedi phološo le phodišo, ka go—ka go... yeo e ilego ka go yona. Le a bona? Diloba di dirilwe go fapano, eupša phodišo e tšwetšepele go swana, gomme kafao le phološo e tšwetšepele go swana. Mekurunyane ye mebedi, e sego ya aroganywa, e be e era e emetše, bobedi. Phološo... “Ka megogoma ya Gagwe re fodišitšwe. O gobaditšwe ka baka la dikarogo tša rena. Ka megogoma ya gagwe re fodišitšwe.” E be e beilwe ka lehlakoreng, e se ya aroganywa. Eupša kgwerano, karolo ya phoofolo e be (boraro bja tšona) e segilwe go arogana. Le a e bona? Ka gona ge ba dirile seo, ba kgeitše gomme ba dirile kgwerano ya bona.

⁴²⁰ Šetšang se Modimo a bego a se botša Abraham. “Mo Khalibari, mo Khalibari, go ya ka Peu ya gago. Go wena go tšwele Isaka. Go Isaka go tšwele *semangmang*, Jakobo. Go Jakobo gwa tšwa Josefa. Go Josefa, go ya pele go theoga, go ya pele go theoga, go ya pele go theoga, bahlatlami, go fihla, mafelelong, ka Peu yela ya toko!” Gagwe...

⁴²¹ O sa tšo fetša, fa, o bolela gore Morena wa rena o hlogile go tšwa go setšhaba sa go se tsebe. Moshe ebile ga se a tsoge a bolela ka yona, go tšwa go boprista. “Morena wa rena o hlogile go tšwa go leloko la Juda.” E sego go tšwa go Lefi, gobane ba be ba le balatelamolao ba senama. Eupša Morena wa rena o tšwa go Juda. Letago! Ke lena bao. Moo tshepišo e dirilwego!

⁴²² Theetšang sekgauswi bjale, ge re tswalela. Gomme mo Khalibari, Modimo o tlide fase gomme o tšere mmele wa Morwa wa Gagwe Mong, ka mo A phetšego, gomme O o kgeitše go arogana mo Khalibari. Go tšwa madi ga gagwe, o gobetše, repilwe, gomme lerumo le fetile fao gomme la Mo kgeile go arogana, gomme Madi a Gagwe a pumponyetša ntle. Gomme O rile, “Tate, Moya wa Ka Ke o gafela ka diatleng tša Gago.” A duta

hlogo ya Gagwe. Gomme lefase la šikinyega, gomme magadima a pekenya, gomme medumo ya rora. Modimo o be a ngwala kgwerano ya Gagwe ya kagosafelego.

⁴²³ Gomme O tšere mmele wa Gagwe wa go hwa go tšwa lebitleng, ka letšatši la pele la beke, le go o tliša godimo ka Legodimong, gomme a o bea kua bjalo ka Moprista Mogolo, bjalo ka segopotšo; o dutše kua, o phethagetše, neng le neng. Gomme O rometše Moya wo A o kgaotšego go tšwa mmeleng woo, thwi morago tlase go Kereke. Gomme Kereke yeo e tla swanelo go ba le Moya wa go swana wo o bego o le ka mmeleng woo, goba o ka se kgohlagane le Wona ka tsogong. Diripa tše pedi tše di swanetše go tla mmogo ka go phethagala. Gomme ge Kereke ye e se ka go phethagala, feela tlwa Moya wa go swana wo o bego o le ka go Kriste, o ka se tsoge wa ya ka Tlhatlogong.

⁴²⁴ Go ne kgwerano ya kagosafelego, ngwanešu. E nyake, wenamong, se se lego ka pelong ya gago mong. Rata Morena. Ka kgontha eba le mnene o pholositšwe. O se ke wa leka mahlatse ka yona. O a kempola. Oo, wena, rena batho ba Amerika, re rata go kempola, eupša o se ke wa kempola go Woo. Eba le mnene gore o lokile. E sego ka baka la gore o tšoenne kereke, eupša ka baka la gore o tswetšwe gape ka therešo, Kriste o tlide go wena, ka Motho wa Moya wo Mokgethwa.

⁴²⁵ Bjale, feela ditebogišo, gape, feela bjalo ka ge ke tswalela. Re swanetše go ba ba ba thabilego bjang, go bona Moya wa go swana wo o bego o le ka go Jesu Kriste, thwi magareng ga rena, o dira dilo tša go swana tše A di dirilego ge A be a le mo lefaseng! Re swanetše go ba ba ba thabilego bjang!

A re rape leng bjale, ge re inamiša dihlogo tša rena.

⁴²⁶ Morena, e bile letšatši le legolo. Le ge, ke ikwela gore ka mehla ke a dira, ke a šitwa. Ga ke kgone go Le emela gabotse, Morena. Ke a rapela gore o tla ntshwarela bakeng sa ditsela tša ka tša bošilo. Oo, ke ipolela dibe tša ka pele ga Gago, gomme ke kgopela kgaogelo, go tsebeng gore go ne Moprista Mogolo yo mogolo a emego mošola ka seatleng se setona sa Modimo, ka Magodimong, Yo a sa dirwago ka morago ga Arone, ka morago ga melao le dilo tša semolao. Eupša O beilwe Kua ka baka la mogau wa Modimo wo o lebeletšego pele, pele ga motheo wa lefase, le go mpona fase fa ka lefaseng, le go hwela dibe tša ka, go mpušetše morago go Mmušo wa Modimo. Ke leboga Wena, Tate, bakeng sa se.

⁴²⁷ Gobane, Moya wo woo bjale o renago ka go batho ba Gago ke wa Gosafelego bjalo ka ge Modimo a le wa Gosafelego. "Ke ba fa Bophelo bjo Bosafelego, Bophelo bja go ya go ile, Bophelo bja kagosafelego, gomme ba ka se tsoge ba senyega." Gomme mo Kahlolong, ba ka se tsoge ba ba fao. Ba šetše ba fetilwe ke kahlolo. Ba ile ka Letagong. "Gomme ge tabarenekele ye ya

lefase e phušoga, re ne e tee e šetšego e letile mošola bakeng sa rena go tla." Re Go leboga bakeng sa yeo, Morena.

⁴²⁸ Ke a rapela bjale, ge go ne o tee fa, bošegong bjo, yo a sego a tsoge gabjale a nwa Madi a kgonthe a kgwerano, yo a sa tsebego se A se rago, a sa tsebego go ra eng go tswalwa gape, go ba le kopanelo ya kgonthe le Kriste ka pelong ya bona, goba pelo ya gagwe, anke ba Mo amogele gonabjale, ge re letile le go fa sebakabotse se. Gomme ka Letšatši leo, re a rapela gore re emetše Ebangedi ka Seetšeng sa nnete. Re a rapela, ka go la Jesu Leina.

⁴²⁹ Ge re sa ne dihlogo tša rena di inamile, a go ka ba motho a ka phagamišetšago diatla tša gago go Kriste, le go re, "Kriste wa Modimo, nkgaogele. Ntumelele, bjalo ka mohlanka wa go hloka maswanedi wa Gago, bjale go amoged Moya wo Mokgethwa ka pelong ya ka. Gomme mphe netefatšo le lerato le ke le hlokago ka kgonthe"? Ge o se na le Wona, a o ka no phagamišetša diatla tša gago go Yena, wa re, "Morena, le ke leswao gore ke a O kganyoga"? A o ka iša seatla sa gago godimo? Modimo a go šegofatše morago fao, mohumagadi. Modimo a go šegofatše fa, mohlomphegi. Segofala fa, mohlomphegi. Modimo a be le wena. Seo se kaone. Monna yo bofelong fa, Modimo a go šegofatše, ngwanešu wa ka. Gomme yo mongwe gape, feela pele re tswalela bjale, feela go no leta dinakwana di se kae. Modimo a go šegofatše morago fao, morwa. Yo mongwe gape?

⁴³⁰ "Bjale ke a kganyoga. Ke a kganyoga, Morena Modimo. O tseba pelo ya ka. O tseba se se lego ka monaganong wa ka. Wena, 'Moya wa Modimo o a phela le bogale go feta tšoša ya magalemabedi, ebole o phuleletša le go aroganya moko wa lerapo, le Mohlathi wa dikgopolo tša pelo.'" Naganang ka Woo. O tseba tšona dikgopolo tša gago, maikemišetšo a gago.

⁴³¹ A o ka phagamiša seatla sa gago? Wa re, "Nkgaogele, Modimo, gonabjale. Ke—ke nyaka O tsebe gore ke a tseba gore ke ne phošo, gomme ke a e lemoga, eupša ke nyaka go loka." Go lokile, ge re sa no swara dihlogo tša rena fase, re rapela bjale, re nagana nakwana feela. Ga re nyake go hlaganel ka seo.

Leswika la Meh leng, le fattoletšwego nna,
Anke ke iphihle nnamong ka go Wena;
Anke meetse le Madi,
Go tšwa lehlakoreng la Gago la go ela . . .
A be ya sebe gabed— . . .

Phodišo gabedi! O enne ka yona, dilo tše pedi di sa fetogego.

Go mphološa bogaleng le go ntshekiša.
Ge ke sa goga . . .

⁴³² O Morena, efa gonabjale gore bohle re tla lemoga gore mehemo ye yeo re e gogago e a tšhaba. Ga re tsebe ke e mekae bontši re nago pele ga rena. Ke yohle ka keletšo kgolo ya Gago. E beakantšwe ke Wena. Oo, re gaogele. Gomme go bao ba phagamišitšego diatla tša bona, Morena, ga go bohlokwa go ba

bolela. O tseba yo mongwe le yo mongwe wa bona. Eupša ke no neela thapelo ye ya poelano bakeng sa bona. Ke a rapela gore O tla tloša kahlolo go tšwa pelong ya bona, le go ba dira ba tle ka sebete, gonabjale, go Terone; ba sepele ka sebete go ya thwi Teroneng ya Modimo, ba tleleime monyetla sefiwa ke Modimo wa bona. O ba dirile go phagamiša diatla tša bona. Ga se ba kgona go e dira ka bobona. Gomme ke a rapela, Modimo, gore O tla fa se ka go la Jesu Leina. Amene.

. . . nnamong ka go Wena;

Bjale, e nong go Mo tumiša bjale.

Anke meetse le . . . (Oo, nna!)

Go tšwa lehlakoreng la Gago a etšego,

A be go fodiša sebe gabedi,

Go phološa bogaleng le go ntshekiša.

⁴³³ Ke ba bakae ba ikwelago gabotse ka kgonthe bjale? Phagamišetša seatla sa gago godimo, o re, “Tumišang Morena!” [Phuthego e re, “Tumišang Morena!”—Mor.] Oo, O a makatša! Oo!

Go Ne Sekgoba Mo Mothopong. O a e tseba, kgaetšedi Gertie? A re. Ke ba bakae ba ratago pina yeo? Bjale re ya go ba le tirelo ya kolobetšo, mo nakwana feela. [Ngwanešu Branham o bolela le Ngwanešu Neville—Mor.] O ya go ba kolobetša? Go lokile.

Sekgoba, ee, fao go sekgorba,

Go sekgorba sa gago Mothopong;

Sekgorba, sekgorba . . .

⁴³⁴ Go lokile. Barutiwa bale ba kolobetšo, banna ba tla ya go kamora *ye*, basadi go ye tee *ye*, go lokile, bao ba tla kolobetšwago Leineng la go šegofala la Morena wa rena.

. . . go loka go wena,

Go sekgorba sa gago Mothopong;

Modimo o bile go loka go nna,

Go sekgorba sa gago Mothopong.

⁴³⁵ Yo mongwe le yo mongwe bjale.

Sekgorba, sekgorba, ee, fao go sekgorba,

Go sekgorba sa gago Mothopong;

Oo, sekgorba, sekgorba, ee, go sekgorba,

Go sekgorba sa gago Mothopong.

⁴³⁶ Oo, ke rata pina yela ya kgale. A ga le?

Go sekgorba sa gago Mothopong;

Oo, sekgorba, sekgorba, go sekgorba se sentši,

Go na le sekgorba mo Mothopong.

⁴³⁷ Bjale, ge mogolo a sa ile ka gare, go lokela kolobetšo, ke tla rata go hlaloša go batheeletši. Gomme ke tla kgopela ba bangwe ba matikone, ge ba kgona go nkwa ka kamoreng, ge ba le komana, etla gomme—gomme o mpotše, gomme gore re

kgone go šuthiša ditšeamantšu. Re nyaka lena bohle le bone ye. E ka ba metsotso ye lesome boteletšana, gomme kereke e tla phatlalatšwa.

⁴³⁸ Bjale ke nyaka go le balela a mangwe a Mangwalo a makgethwa. Ke nyaka go a bala go tšwa go Puku ya Ditiro. Gomme ke nyaka go thoma go tema ya 12 ya tema ya 2 ya Ditiro.

⁴³⁹ Bjale, ke le nyaka le hlokomele ka go tema ya 16 ya Mokgethwa Luka, goba ya Mokgethwa Mateo, ke a dumela ke yona, gore Jesu o be a fologa thabeng. Ba... O rile go barutiwa ba Gagwe, “Motho o re Nna Morwa wa motho ke mang?”

⁴⁴⁰ “Gomme ba bangwe ba bona ba rile, gobaneng, Wena o ‘Eliase.’ Gomme ba bangwe ba bolela gore Wena o—Wena o ‘Moprefeta.’ Gomme ba bangwe ba re Wena o se goba se *sengwe*.”

⁴⁴¹ O rile, “Eupša lena le re Nna ke nna Mang?”

⁴⁴² Gomme Petro o rile, “Wena o Kriste, Morwa wa Modimo yo a phelago.” A ke nnete? [Phuthego e re, “Amene.”—Mor.]

⁴⁴³ Jesu o rile, “O wa lehlogenolo wena, Simone Morwajona, gobane nama le madi ga se tša utolla se. Ga se wa tsoge wa ithuta ka seminaring. Ga se wa tsoge wa ithuta Yona ka motho.” O rile, “Eupša Tate wa Ka yo a lego Legodimong o utolotše se go wena. Gomme Ke re wena o Petro. Godimo ga leswika le Ke tla aga Kereke ya Ka. Dikgoro tša hele di ka se ke tša fenza kgahlanong le Yona. Gomme Ke go nea dikgonyo go ya Mmušong wa Legodimo.” A yeo ke nnete? [Phuthego e re, “Amene.”—Mor.] “Gomme eng kapa eng o e tlemollago lefaseng, Ke tla e tlemolla Legodimong. Se o se tlemago lefaseng, Ke tla se tlema Legodimong.” A O be a E era? A ka be a se a E bolela. Bjale, ge nako e tokologela pele, bjale, Petro o be a swere dikgonyo go ya Mmušong.

⁴⁴⁴ Bjale, lena batho ba Katoliki, le ka no nagana se, gore le re, “Kereke ya Katoliki e agilwe godimo ga Petro.” Go lokile, re tla hwetša. “Ba bile le dikgonyo. Kereke ya Katoliki e sa ntše e ne dikgonyo.”

⁴⁴⁵ A re hwetšeng se *Petro* a se dirilego ka dikgonyo, le a bona, gona re tla hwetša. Beibele e rile, go Petro le go baapostola ka moka, “Eyang lena ka go lefase lohle. Mang le mang le mo tlošago dibe, go bona di tlošitšwe. Mang kapa mang le swarago dibe tša bona, go bona di swerwe.” Seo, nka se bolela gore... Yo mongwe a ka no se kwešiše se ke se rago. Jesu o rile go baapostola, “Mang kapa mang le mo swarelago dibe, Ke tla ba swarela le nna. Gomme mang kapa mang le sa ba swarelego sebe, gomme le se swara kgahlanong le bona, Ke tla se swara kgahlanong le bona le nna.” Ke seo Jesu a se boletšego.

⁴⁴⁶ Šetšang kereke ya Katoliki e kgorometša go leba go seo.

⁴⁴⁷ Eupša a re hwetšeng ka fao ba e dirilego. Ka gona ge re hwetša ka fao ba e dirilego, gona re swanetše go e dira ka tsela ya go swana. Bjale a re hwetšeng.

⁴⁴⁸ Ke Letšatši la Pentecost. Kereke e a hlongwa. Bohle ba be ba le ka kamoreng ya ka godingwana. Banna ba tšwele ka fao, ba bolela ka maleme a go fapano. Gobaneng? Leleme le lengwe le le lengwe ka tlase ga Legodimo le ila la swanela go emelwa fao. Seisemanse se be se le fao, le sona. Leleme le lengwe le le lengwe ka tlase ga Legodimo le ile la swanela go ba fao, leleme le le bego le bolelwa ka letšatšing leo. Eya pele fa gomme e fa maleme a mantši, le ka fao Bakereta le basetsebje, le basokologi ba Roma, le—le—le Baarabia, le bohole ba bolela le go godi—... Bjale, ba be ba sa bolele ka maleme a go se tsebje. Ba be ba bolela ka maleme a go tsebja, go batho. E sego maleme a go se tsebje, eupša maleme ao yo mongwe le yo mongwe a bego a a kwešisa. Modiradibe, mosedumele, o be a kgona go kwa se a bego a se bolela. “Re kgona go kwa bjang ka leleme la rena beng leo—leo re tswetšwego ka lona?”

⁴⁴⁹ Bjale šetšang. Bjale potšišo e a tla. Bjale, “Ba bangwe ba kwerile.” Temana ya 12, go lokile.

Gomme bohole ba be ba tlabegeile, gomme...ka go belaela, ba bolela seng sa bona, se se ra go reng?

Ba bangwe ba kwerile gomme ba rile, Ba...ba tletše ka beine ye mpsha.

⁴⁵⁰ Ba be ba dira metlae ka bona. Gobane, ba be ba dira bjang? Ba be ba thekesela boka banna ba go tagwa, boka banna ba go tagwa. Ba bolela, ba sa tsebe se ba bego ba se bolela, eupša ba be ba rerela phuthego ka maleme a ba bego ba sa a tsebe, eupša phuthego e tsebile. Le a bona? Go lokile.

Ba bangwe...ba rile, Ba tletše ka beine ye mpsha, lebelelang ka moo ba dirago.

Ba bangwe ba kwerile, ba re, Ba...ba tletše ka...

“Eupša Petro...” Šetša, šaatena! O swere dikgonyo.

Eupša Petro, a eme le ba lesomepedi, o phagamišeditše segalontšu sa gagwe godimo, gomme o rile go bona,...

Bjale, elelwang, ye ke tlhamo ya mathomo ya Kereke.

...Lena banna ba Judea, le...lena ba le dulago ka Jerusalema, anke se se tsebje go lena, gomme ekwang mantšu a ka:

Gobane ba ga se ba tagwa, bjalo ka ge le nagana, goboneng ke eupša iri ya boraro ya letšatši.

Disepotso di be ebile di se tša bulwa nako yeo. Le a bona?

Eupša se ke seo sa go bolelwa ke moprofeta Joele;

...go tla go phethega ka matšatšing a mafelelo, go boletše Modimo, Ke tla tšollela ntle Moya wa ka

godimo ga nama yohle: godimo ga barwa ba lena le... barwedi, gomme ba tla profeta, gomme masogana a lena a tla bona dipono, gomme bakgalabje ba lena ba tla lora ditoro:

Gomme godimo ga badiredi ba ka le... bathuši ba ka Ke tla tšollela Moya wa ka ka matšatšing ao;... ba tla profeta:

Gomme Ke tla bontšha matete ka le legodimong godimo, le maswao ka lefaseng ka fase;...

Bjale, ke Petro a rera bjale, yena a nago le dikgonyo.

...madi, ...mollo, ...moyameetse a muši:

Letšatši le tla fetolwa go ba leswiswi,...ngwedi go ba madi, pele ga ge le legolo le la go šiiša letšatši la Morena le tla tla:

Gomme go tla tla go phethega, gore mang le mang a tla bitšago godimo leina la Morena o tla phološwa.

Lena banna ba Israele, ekwang mantšu a; Jesu wa Natsaretha, monna yo a netefaditšwego ke Modimo magareng ga lena ka mehlolo le matete le maswao, ao a a dirilego...ka makgatheng a lena,...lena lenabeng... le a tseba:

Le bolela ka go sola? O be a ne dikgonyo, le a tseba. Go beng...

Yena, a gafilwego ka tlemo le ka tsebelopele ya Modimo,...

Ke lena bao. O be a ka kgona bjang go tsoge a gafiwa? Gobane Modimo o e kgethetšepele go ba ka tsela yeo. Le a bona? Tsebelopele ya Modimo!

⁴⁵¹ [Ngwanešu o botšišitše Ngwanešu Branham, "Komana?"—Mor.] Nakwana feela. Ba botše, go no swarelela motsotsotso feela, go fihla ke fetša ka Lengwalo.

...le tšere, ka di diatla tše šoro, le bapotše le go bolaya:

Yo Modimo a mo tsošitšego, le go mo hunolla mahloko a lehu: gobane go be go sa kgonege...a swanetše go swarwa ke lona.

Gobane Dafida o boletše mabapi le yena, ke bonepele Morena ka mehla...ka seatleng sa ka se setona, gomme nka se ke ka šutha:

Kagona pelo ya ka e a hlalala, gomme leleme la ka le dirilwe go thakgala; ka go fetiša...nama ya ka e tla khutša ka kholofelo:

Ka gobane wena o ka se ke wa tlogele soulo ya ka ka heleng, ebile wena o ka se ke wa tlogela Yo Mokgethwa wa gago go bona go bola.

Wena o dirile nna go tsebja... tša ka—tša ka ditsela, ditsela tša ka tša bophelo; wena o tla ntira ke tlale thabo le ka sefahlego sa ka.

Banna le baena, anke ke bolele ka go lokologa go lena ka mopatriaka Dafida,... yena bobedi o hwile le go bolokwa, gomme lebitla la gagwe le ne renā... letšatši le.

Kagona go beng moprofeta, le go tsebeng gore Modimo o enne ka keno...

Ke sa tšo fetša go rera.

...gore go ya ka—go ya ka di dikenywa tša matheka a gagwe, o be a tla... go ya ka nama, o be a tla tsoša Kriste go dula godimo ga terone ya gagwe;

Feela se ke feditšego go se rera. Petro o rera selo sa go swana.

Gomme go boneng se pele, moprofeta o se bone pele, o boletše ka tsogo ya Kriste, gore soulo ya gagwe ga se ya tlogelwa ka heleng, ga išita le nama ya gagwe go bona go bola.

Jesu yo Modimo o mo tsošitše, kafao bohle re dihlatse.

Kagona go phagamišweng, gomme ka go seatla se setona... go beng ka go seatla se setona, o phagamišitšwe ka legodimong, go amogelweng ke Tate... tshepišo ya Moya wo Mokgethwa, o... tšholotše wo pele, wo le o bonago le go o kwa.

Gobane Dafida ga se a rotogela ka legodimong, (moprofeta): eupša o rile yenamong, MORENA o rile go Morena wa ka, Dula wena ka seatleng sa ka se setona,

Go fihla Ke dira manaba a gago bogatonao.

Kagona (theetšang ye) anke ntlo yohle ya Israele e tsebe ka nnete, gore Modimo o dirile Jesu yo wa go swana, yo le... mmapotšego, bobedi Morena le Kriste.

Seo se swanetše go e ruma. A ga sa swanela?

Bjale ge ba kwele se, bona badiradibe, ba hlabega ka dipeleng tša bona, gomme ba re go Petro... Banna... gomme Petro le... ka moka... baapostola, Banna le baena, re tla dira eng?

⁴⁵² Go lokile. Ke lena bao. O na le eng? Sekgonyo, sekgonyo go ya Mmušong. Mmušo o kae? O ka gare ga lena. A yeo ke nnete? Moya wo Mokgethwa ke Mmušo wa Modimo. Re a e tseba. Re tswalelwā ka Mmušong, bjalo ka balatedi le baemedi. Lebelelang. O ne dikgonyo go lehlakore la gagwe. “O ya go dira eng ka yona?” Le ke lekga la mathomo lebatši le kilego la bulwa.

⁴⁵³ Bjale, potšišo e botšišwa moreri, lekga la mathomo, yena a swerego sekgonyo. Ke a dumela ge a be a ka re, “Ema ka hlogo ya gago,” seo e be e tla ba semmušo.

⁴⁵⁴ “E ka ba eng o e tlemago mo lefaseng, Ke tla e tlema Legodimong.” Go lokile. “E ka ba eng o e bolelago, Ke ya go bolela selo sa go swana. O ne sekgonyo.” Go lokile. O swamela sekgonyo ka lebatting.

... O dira eng? *Banna le baena, re tla dira eng?*

Bjale ge ba kwele se, ba ile ba hlabega ka pelong ya bona, gomme ba rile... Banna le baena,...

... *Petro o rile go bona, Sokologang, gomme le kolobetšweng yo mongwe le yo mongwe wa lena leineng la Jesu Kriste bakeng sa go tlošwa ga sebe, gomme le tla amogela neo ya Moya wo Mokgethwa.*

Ka gore tshepišo ke ya lena, le go bana ba lena, le go bona ba ba lego kgole kgole, le ba bantši ba Morena Modimo wa rena a tlago go ba bitša.

Seo se a e rumā neng le neng. Ga go batho ba ka tsogego, ka nako e ka ba efe, ba ka tsogego ba kgona, ba tsoge ba phegiša Yeo.

⁴⁵⁵ Kereke ya Katoliki e tla go bapa, go na le go inelwa, ba a fafatša. Go na le go šomiša Leina la Jesu, ba tšere, “Tate, Morwa, le Moya wo Mokgethwa.” Ga sa nke ya rutwa ka Beibeleng.

⁴⁵⁶ Motho yo mongwe le yo mongwe, go tloga nakong yeo go ya pele, o ile a kolobetšwa ka go inelwa Leineng la Jesu Kriste. Gomme ba bangwe ba be ba inetšwe ke Johane Mokolobetši, yo a kolobeditšego Jesu, gomme Paulo o ba boditše ba be ba ka se kgone go amogela Moya wo Mokgethwa ka mokgwa woo. Ba ile ba swanela go tla morago le go kolobetšwagape, gape, Leineng la Jesu, pele ba be ba ka kgona go hwetša Moya wo Mokgethwa. Ke ba bakae ba tsebago leo ke Lengwalo? [Phuthego e re, “Amene.”—Mor.] Ditiro, tema ya 19. Ke lena bao. Gobane, Mmušo wa Legodimo o be o tswaleletšwe go tsela e ka ba efe ye nngwe, ka keno ke Jesu Kriste, gore yeo e be e tla ba semmušo ka Legodimong.

... *Sokologang, gomme le kolobetšweng yo mongwe le yo mongwe wa lena leineng la Jesu Kriste bakeng sa go tlošwa ga dibe tša lena,...* le tla amogela neo ya Moya wo Mokgethwa.

Gobane, tshepišo ke ya lena, le go bana ba lena,... go bona bao ba lego kua kgole, le ka bontši bjo Morena Modimo wa rena a tla ba bitšago.

Amene. A re rapeleng.

⁴⁵⁷ Tate Modimo, bošegong bjo, mengwaga ye makgolo a lesomesenyane le metšo e fetile, efela go botega le go loka ga

dipelo tša batho di sa llela Modimo, boka bana ba llela maswi a letswele la mmago bona. Re a Go rata, Morena. Re ka se kgone go phela ntle le Wena. Bjalo ka ge Dafida a rile, “Soulo ya ka e nyoretšwe Wena, boka tshepetona e nyoretšwe nokana ya meetse.” O swanetše go ba le Wona, goba go hwa.

⁴⁵⁸ Gomme, Tate, re kamile go kgabola Mangwalo, morago le pele. E sego go ba go fapano, eupša re bona diseminari tše, baithuti ba ba thutamodimo lehono, ba ba rutago go ya ka ditaelo tša batho, gomme e sego ditaelo tša Modimo. Kagona, Morena, ga re nyatše banna bao, eupša re nyatše dilo tše o ba di rutago. Kagona, Morena, re kgopela gore ba be banešu ba rena. Re kgopela gore O ba lebalele phošo ya bona. Gomme re a rapela gore ba tla tla go Lengwalo, ba Le bale, e sego ka tsela ye seminari e Le rutago, eupša go ya ka tsela ye Modimo a Le ngwadilego.

⁴⁵⁹ Re a rapela, Modimo, bjale, gore barutwana ba bao ba tlago bošegong bjo bakeng sa kolobetšo ya meetse, ge modiša wa rena yo bogale a sepelela ka go phuluphithi ye go tloga fa, go rera Ebangedi, Ebangedi ye e swanago, gomme morago go ya go mogobe wa kolobetšo, go boloka, efa, Morena, gore yo mongwe le yo mongwe wa ba o tla amogela Moya wo Mokgethwa, gobane O file tshepišo, “Le tla amogela Moya wo Mokgethwa.” Anke Moya wa Modimo o tšwe o letile ka godimo ga meetse, go amogela barutwana bošegong bjo, gobane re ba neela ka diatleng tša Gago, ka go la Jesu Kriste Leina. Amene.



BAHEBERE, TEMA YA BOŠUPA ² NST57-0922E
(Hebrews, Chapter Seven ²)
SERISI YA PUKU YA BAHEBERE

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mantšiboa, Setemere 22, 1957, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2021 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org